



女科撮要 上下

共四十二

七



門  
號  
卷  
584  
30

即  
道  
圖  
章

醫科撮要前序

余聞軒岐事業遐哉邈矣其言說流布至今未盡泯也然傳者  
或效或否豈其書不可盡信耶是信乎人焉耳語曰醫不通儒  
不可以言醫其以是歟大醫院使薛君立齋雅近於儒其以醫  
名世也固宜君嘗以日所施活者述其病原詳其脉候著其方  
驗有所得輒錄之積彙成帙標曰家居醫錄他日呈于  
大司馬中丞約菴翁翁覽而善之授余以鈔諸梓且命申其說  
余曰嘻是仁者之心哉或曰何謂也夫醫術也而心術觀焉世  
之醫者得一方輒以自秘取一效即以自多人病在身而渠病  
在心且弗之藥是尚可以言醫薛君以名醫致身不自秘而以  
示人將欲致人人於名醫中丞翁撫綏畿輔振衰剔弊既登斯  
民仁壽之域復布其醫書欲壽斯民於無窮茲非仁者之事哉

是宜梓之以訓于世觀者毋徒執其方而求得其心焉則是錄也其可傳矣

嘉靖丙申春正月吉劔江存所范慶書

科撮要目錄

上卷

經候不調

經閉不行

血分水分

熱入血室

歷節痛風

癩癧

血風瘡

陰瘡

下卷

保胎

經漏不止

帶下

小便出血

師尼寡婦寒熱

流注

乳癰乳巖

癩瘡

各症方藥

小產

婦科撮要上卷

保產

子死腹中

胎衣不出

交骨不開陰門不閉子宮不收

產後腹痛

產後血暈并失血

產後發瘧

產後便血

產後大便不通

產後寒熱

產後咳嗽

產後瘧疾

產後泄痢

各症方藥

女科撮要目錄

女科撮要上卷

薛氏按

吳郡薛 已著

新都閔道政校

經候不調

經曰飲食入胃遊溢精氣上輸於脾脾氣散精上歸於肺通調水道下輸膀胱水精四布五經並行故心脾平和則經候如常若或七情內傷六淫外侵飲食失節起居失宜脾胃虛損則月經不調矣若先期而至者有因脾經血燥有因肝經鬱滯有因肝經怒火有因血分有熱有因勞役火動其過期而至者有因脾經血虛有因肝經血少有因氣虛血弱主治之法脾經血燥者加味逍遙散脾經鬱滯者歸脾湯肝經怒火者加味小柴胡湯血分有熱者加味四物湯勞役火動者補中益氣湯脾經血

齊天聖書安

女科撮要上卷

月一

虛者人參養榮湯肝經血少者六味地黄丸氣虛血弱者八珍湯蓋血生於脾土故云脾統血凡血病當用苦甘之劑以助其陽氣而生陰血俱不足大凡肝脾血燥四物為主肝脾血弱補中益氣為主肝脾鬱結歸脾湯為主肝經怒火加味逍遙丸

治驗 肝經怒火風熱等症附

一婦人內熱作渴飲食少思腹內近左初如鷄卵漸大四寸許經水三月一至肢體消瘦齒頰似瘡脈洪數而虛左關尤甚此肝脾鬱結之症外貼阿魏膏午前用補中益氣湯午後以加味歸脾湯兩月許肝火少退脾土少健仍與前湯送六味地黄丸午後又用逍遙散送歸脾丸又月餘日用蘆薈丸二服空心以逍遙散下日晡以歸脾湯下喜其謹疾調理年餘而愈

一婦人腹內一塊不時上攻或痛作聲吞酸痞悶月經不調小便不利二年餘矣面色青黃相兼余作肝脾氣滯以六君子加芎歸柴胡炒連木香吳茱各少許二劑却與歸脾湯下蘆薈丸三月餘肝脾和而諸症退又與調中益氣加茯苓丹皮中氣健而經自調

一婦人發熱口乾月經不調兩腿無力服祛風滲濕之劑腿痛體倦二膝浮腫經事不通余作肝脾腎三經血虛火燥症名鶴膝風用六味八味二丸兼服兩月形體漸健飲食漸進膝腫漸消不半載而痊前症若脾腎虛寒腿足軟痛或足膝枯細用八味丸若飲食過多腿足或臀內痠脹或浮腫作痛用補中益氣加茯苓半夏主之

一婦人性沉靜勤於女工善怒小腹內結一塊或作痛或痞悶月經不調恪服伐肝之劑內熱寒熱胸膈不利飲食不甘形體

日瘦牙齦蝕爛此脾土不能生肺金肺金不能生腎水腎水不能生肝本當滋化源用補中益氣六味地黃至仲春而愈  
松江太守何恭人性善怒腹聚一塊年餘形體骨立倏然往來  
腠蝕透腮或泥春旺木尅土仍行伐肝時季冬肝脈洪數按之  
弦緊餘脈微弱余曰洪數弦緊肝經真氣虛而邪氣實也自保  
不及何能尅土况面色青中隱白乃腎水不足肝木虧損肺金  
尅制惟慮至春木不能發生耳勉用壯脾胃滋腎水之劑肝脈  
悉退後大怒耳內出血肝脈仍大按之如無煩操作渴此無根  
之火以前藥加肉桂二劑肝脈仍斂熱渴頓退復因大怒以致  
飲食不進果卒於季冬辛巳日此木衰弱而金刑尅信夫  
一婦人經候過期發熱倦怠或用四物黃連之類反兩月一度  
且少而成塊又用峻藥通之兩目如帛所蔽余曰脾為諸陰之

首目為血脈之宗此脾傷五臟皆為失所不能歸於目矣  
補中益氣濟生歸脾二湯專主脾胃年餘尋愈

一婦人兩鬢發痛後及太陽面青善怒余作膽經風熱用澤奇  
湯合逍遙散加山梔天麻黃芪半夏黃芩而愈此症失治多致  
傷目或兩耳出膿則危矣

一婦人耳鳴內熱經行不調肢體倦怠飲食無味余以為肝脾  
虛熱用四君加柴胡山梔丹皮甘草而愈

一婦人素勤苦冬初患咳嗽發熱久而吐血盜汗經水兩三月  
一至遍身作痛或用化痰降火口際筋壅謂余曰何也余曰此  
血虛而藥益損耳遂用加減八味丸及補中益氣加麥門五味  
山藥治之年餘而痊

一婦人耳內或耳後項側作痛寒熱口苦月經不調余以為肝

火氣滯而血凝用小柴胡加山梔川芎丹皮治之諸症悉退  
一婦人年四十素性急先因飲食難化月經不調服理氣化痰  
藥反肚腹膨脹大便泄瀉又加烏藥蓬朮肚腹腫脹小便不利  
加猪苓澤瀉痰喘氣急手足厥冷頭面肢體腫脹指按成窟脈  
沉細右寸爲甚余曰此脾肺之氣虛寒不能通調水道下輸膀  
胱滲泄之令不行生化之氣不運卽東垣所云水飲留積若土  
之在雨中則爲泥矣得和風暖日水濕去而陽化自然萬物生  
長喜其脈相應遂與金匱加減腎氣丸料服之小便卽通數劑  
腫脹消半四肢漸溫自能轉側又與六君加木香肉桂炮薑治  
之全愈後不戒七情飲食卽爲泄瀉仍用前藥加附子五分而  
一婦人飲食每用磁許稍加非大便不實必吞酸愛腐或以爲  
胃火用二陳黃連枳實加內熱作嘔余曰此未傳寒中故愛氣

不酸脹滿痞悶不信仍作火治虛症並至月經不止始信余以  
六君加炮薑木香數劑元氣漸復飲食漸進又以補中益氣加  
炮薑木香茯苓半夏數劑全愈後因飲食勞倦兼之怒氣飲食  
頓少元氣頓怯用前藥更加發熱誠似實火脈洪大按之而虛  
兩尺如無此命門火衰用補中益氣加薑桂及八味丸兼服兩  
月餘諸症悉愈此症若因中氣虛弱者用人參理中湯或六君  
子加木香炮薑不應用左金丸或越鞠丸虛寒者加附子或附  
子理中湯無有不愈

一婦人素有頭暈不時而作月經遲而少余以爲中氣虛不能  
上升而頭暈不能下化而經少用補中益氣湯而愈後因勞而  
仆月經如湧此勞傷火動用前湯加五味子一劑服之卽愈前  
症雖云亡血過多氣無所歸實因脾氣虧損耳

一婦人年四十勞則足跟熱痛余以為陰血虛極急用聖愈湯而痊後遍身搔痒誤服風藥發熱抽搐肝脉洪數此乃肝家血虛火盛而生風以天竺膽星為丸用四物麥門五味芩連炙草山梔柴胡煎送而愈

一婦人兩足發熱日晡益甚小便自遺或時不利余以為肝熱陰凝不能約制午前用白朮茯苓丹皮澤瀉各五分乾山藥山茱麥門各一錢熟地四錢酒炒黑黃柏七分知母五分不數劑而諸症悉愈若用分利之劑愈損真陰必致不起

一婦人月事未期而至發熱自汗服清熱止汗之劑反作渴頭痛手掉身麻此因肝經風熱用柴胡炒芩連炒山梔歸芍生地丹皮各一錢參芪苓朮各一錢五分川芎七分甘草五分二劑其汗全止更以補中益氣而愈凡發熱久者陽氣亦自病須調補之

一婦人經行後勞役失調忽然昏憤面赤吐痰此元氣虛火妄動急飲童便神思漸爽更用參芪各五錢芎歸各三錢玄參柴胡山梔炙草各一錢一劑又用逍遙散加五味麥門稍定但體倦面黃此脾土真虛之色也又以十全大補加五味麥門治之而愈若投以發散之劑禍在反掌慎之

西賓錢思習子室年三十尚無嗣月經淋瀝無期夫婦異處者幾年矣思習欲為聚妾以謀諸余余曰此鬱怒傷肝脾虛火動而血不歸經乃肝不能藏脾不能攝也當清肝火補脾氣遂與加味歸脾逍遙二藥四劑送至其家仍告其姑曰服此病自愈而當受胎妾可無娶也果病愈次年生子

一婦人多怒經行或數日或半月即止三年後淋瀝無期肌體倦瘦口乾內熱盜汗如洗日晡熱甚余用參芪歸朮茯苓神遠志



秦仁麥門五味丹皮龍眼肉炙草柴胡升麻治之獲痊此症先  
因怒動肝火血熱妄行後乃脾氣下陷不能攝血歸源故用前  
藥若胃熱亡津液而經不行宜清胃若心火亢甚者宜清心若  
服燥藥過多者宜養血若病久氣血衰宜健脾胃

一婦人年五十內熱晡熱經水兩三月一來此血虛而有熱用  
逍遙散加山茱治之而愈若兼有痰作渴或小便不調或頭暈  
白帶宜用腎氣丸

一婦人氣血素虛經行不調飲食少思日晡熱甚用十全大補  
加山茱山藥丹皮麥門五味而愈次年秋患寒熱或用清脾飲  
而元氣愈弱余仍以前藥而愈

一婦人生七胎矣月經不調兩足發熱年餘而身亦熱勞則足  
痠痛又年許唇腫裂痛又半年唇裂見血形體瘦倦飲食無味

月水不通唇下腫如里棗或用通經丸等藥而死

一婦人善怒經不調唇腫裂服消毒藥唇脹出血年餘矣余曰  
當培養脾胃以滋化源不信仍服前藥及追蝕狀如翻花瘡而

一膏梁之婦產後月經不調唇裂內熱每熯作服寒涼之劑後  
不時出水余用加味清胃散而愈後值春令兼怒唇口腫脹寒  
熱作嘔痰甚少食用小柴胡加山梔茯苓桔梗諸症頓愈但內  
熱仍作乃以加味逍遙散調理而安

一婦人性善怒產後唇腫內熱用清熱敗毒唇口腫脹日晡熱  
甚月水不調用降火化痰食少作嘔大便不實唇出血水用理  
氣消導胸膈痞滿頭目不清唇腫經閉用清胃行血肢體倦怠  
發熱煩躁涎水湧出欲用通經之劑余曰病本七情肝脾虧損  
數行攻伐元氣益虛故耳法當補陰益陽遂以加味歸脾湯加

味逍遙散補中益氣湯如法調治元氣漸復唇瘡亦愈後因怒寒熱耳痛胸膈脹悶唇燥腫甚此是怒動肝火而血傷遂用四物合小柴胡加山梔頭愈後又怒脇乳作脹肚腹作痛嘔吐酸涎飲食不入小水不利此是怒動肝木尅脾土乃用補脾氣養脾血而愈又因勞役怒氣飲食失時發熱喘渴體倦不食去血如崩唇腫熾甚此是肝經有火脾經氣虛遂用補中益氣加炒黑山梔芍藥丹皮而愈此症每見但治其瘡不固其本而死者多矣

經漏不止

經云陰虛陽搏謂之崩又云陽絡傷血外溢陰絡傷血內溢又云脾統血肝藏血其爲患因脾胃虛損不能攝血歸源或因肝經有火血得熱而下行或因肝經有風血得風而妄行或因怒

動肝火血熱而沸騰或因肥經鬱結血傷而不歸經或因悲哀太過胞絡傷而下崩治療之法脾胃虛弱者六君子湯加當歸川芎柴胡脾胃虛陷者補中益氣湯加酒炒芍藥山梔肝經血熱者四物湯加柴胡山梔苓朮肝經怒火者小柴胡湯加山梔芍藥丹皮脾經鬱火者歸脾湯加山梔柴胡丹皮哀傷胞絡者四君子湯加柴胡升麻山梔故東垣丹溪諸先生云凡下血症須用四君子以收功斯言厥有旨哉若大吐血後母以脈診當急用獨參湯救之其發熱潮熱咳嗽脈數乃是元氣虛弱假熱之脈也尤當用人參之類此等症候無不由脾胃先損而思故脈洪大察其中有胃氣受補可救設用寒涼之藥復傷脾胃生氣使血反不歸源也

治驗吐血等症附

一婦人年將七十素有肝脾之症每作則飲食不進或胸膈不利或中脘作痛或大便作瀉或小便不利余用逍遙散加山梔茯苓遠志木香而愈後憂女孀居不時吐紫血每作先倦怠煩熱以前藥加炒黑黃連三分吳茱二分頓愈復因怒吐赤血甚多躁渴垂死此血脫也法當補氣乃用人參一兩苓朮當歸各三錢陳皮炮黑乾薑各二錢炙草木香各一錢一劑頓止信藥有回生之功不可委於天命也

一婦人年六十有四久鬱怒頭痛寒熱春間乳內時痛服流氣飲之類益甚不時有血如經行又大驚恐飲食不進夜寐不寧乳腫及兩脇焮痛如炙午後色赤余以為肝脾鬱火血燥先以逍遙散加酒炒黑龍膽一錢山梔一錢五分二劑腫痛頓退又二劑而全消再用歸脾加炒梔具母諸症悉愈

一婦人久患血崩肢體消瘦飲食到口但聞腥臊口出津液雖食少許腹中作脹此血枯之症肺肝脾胃虧損之患用八珍湯

烏賊魚骨圓兼服兩月而經行百餘劑而康寧如舊矣

一婦人性急躁癩瘵後吐血發熱兩脇脹痛日晡為甚余以為怒氣傷肝氣血俱虛遂朝用逍遙散倍加炒黑山梔黃柏貝母桔梗麥門五味夕以歸脾湯送地黃丸諸症並愈

一婦人素勤苦因喪子飲食少思忽吐血甚多而自止此後每勞則吐數口瘵症已具形體甚倦午前以補中益氣午後以歸脾湯送地黃丸而愈

一女子素鬱結胸滿食少吐血面赤用地黃丸及歸脾加山梔貝母芍藥而愈

一婦人面黃或赤時覺腰間或臍下作痛四肢困倦煩熱不安

其經若行先發寒熱兩助如束其血如崩此脾胃虧損元氣下陷與相火濕熱所致用補中益氣加防風芍藥炒黑黃柏間以歸脾湯調補化源血自歸經矣

一婦人因怒崩血久不已面青黃面或赤此肝木制脾土而血虛也用小柴胡合四物以清肝火生肝血又用歸脾補中二湯以益脾氣生肝血而瘥此症若因肝經有風熱而血不寧者用防風一味為丸以兼症之藥煎送或肝經火動而血不寧者用條芩炒為丸以兼症之藥煎送無有不効

一婦人性急每怒非太陽耳項喉齒胸乳作痛則胸滿吞酸吐瀉少食經行不止此皆肝火之症肝自病則外症見土受尅則內症作若自病見用四物加白朮茯苓柴胡炒梔炒龍膽若內症作用四君加柴胡芍藥神麩吳茱炒過黃連諸症漸愈惟月

經不止是血分有熱脾氣尙虛以逍遙散倍用白朮茯苓陳皮又以補中益氣加酒炒芍藥兼服而調

乾內錢氏年五十歲辛丑患崩諸藥罔効壬寅八月身熱肢痛頭暈涕出吐痰少食衆作火治轉熾絕粒數日淹淹伏枕僅存呼吸兄方浙歸診之謂脾胃虛寒用八味丸料一劑使急煎服然胃虛久始下咽翌早遂索粥數匙再劑食倍熱減痛止兼服八味丸良愈癸卯秋因勞役憂怒甲辰春夏崩復作六月二十日胸飽發熱脊痛腰不可轉神氣怫鬱或作內傷或作中暑崩水沸騰兼以便血煩渴引飲粒米不進至七月十三日晝夜暈橫時作時止計無所出仍屈兄診之脈洪無倫按之微弱此無根之火內真寒而外假熱也以十全大補加附子一劑暈止食粥三四匙崩血漸減日服八味丸始得全愈乾山妻兩構危疾

命懸須臾荷兄遠救誠解倒懸之急處方神良知無出此野人  
懷恩姑俟後日玉環之報云爾嘉靖甲辰季秋表弟方乾頓首  
拜書

大化內患月事不期崩血昏憤發熱不寐或謂血熱妄行投以  
寒劑益甚或謂胎成受傷投以止血亦不効乃敬延先生診之  
曰此脾氣虛弱無以統攝故耳法當補脾而血自止矣用補中  
益氣加炮薑不數劑而驗惟終夜少睡驚悸另服八物湯更不  
効叩諸先生曰雜矣乃與歸脾湯加炮薑以補心脾遂如初謹  
叙其梗槩以附醫按俾後之患者得有所取法云嘉靖甲辰孟  
冬晚生歸大化頓首拜書

經閉不行

夫經水陰血也屬衝任二脉主上為乳汁下為月水其為患有

因脾虛而不能生血者有因脾鬱傷而血耗損者有因胃火  
血消燦者有因脾胃損而血少者有因勞傷心而血少者有因  
怒傷肝而血少者有因腎水不能生肝而血少者有因肺氣虛  
不能行血而閉者治療之法若脾虛而不行者調而補之脾鬱  
而不行者解而補之胃火而不行者清而補之脾胃損而不行  
者調而補之勞傷心血而不行者靜而補之怒傷肝而不行者  
和而補之肺氣虛而不行者補脾胃腎虛而不行者補脾肺經  
云損其肺者益其氣損其心者調其榮衛損其脾者調其飲食  
適其寒溫損其肝者緩其中損其腎者益其精審而治之庶無  
誤矣

治驗

一婦人停食飽悶發熱或用人參養胃湯益甚再用木香檳榔

九泄瀉吐痰腹中成塊飲食少思又用二陳黃連厚朴之類前症益甚腹脹不食月經不至余以爲中氣虧損用補中益氣加茯苓半夏三十餘劑脾胃健而諸症愈又二十餘劑而經自行前症若脾虛不能消化飲食者宜用六君子湯補而消之虛寒者加砂仁木香炮薑溫而補之其食積成形者以前藥煎送保和丸大抵食積痞塊症爲有形所謂邪氣勝則實真氣奪則虛惟當養正闢邪而積自除矣雖然堅者削之客者除之胃氣未虛或可少用若病久虛乏者則不宜用

一婦人飲食後或腹脹或吞酸服枳朮丸吞酸益甚飲食日少胸膈痞滿腿內酸痛畏見風寒又服養胃湯一劑腿內作痛又二劑腿浮腫月經不行余以爲鬱結所傷脾虛濕熱下注侵晨用四君芎歸二陳午後以前湯送越鞠丸飲食漸進諸症漸愈

又用歸脾八珍二湯兼服兩月餘而經行

一婦人性沉多慮月經不行胸滿少食或作脹或吞酸余以爲中氣虛寒用補中益氣加砂仁香附煨薑二劑胸膈和而飲食進更以六君加芎歸貝母桔梗生薑大棗數劑脾胃健而經自調矣

一婦人素有胃火服清胃散而安後因勞役躁渴內熱肌肉消瘦月經不行此胃火消燦陰血用逍遙散

加丹皮炒梔以清胃熱用八珍湯加茯苓遠志以養脾血而經自行矣

一婦人久患瘧形體怯弱內熱晡熱自汗盜汗飲食少思月事不行服通經丸虛症悉具此因虛而致瘧疾因瘧而致經閉用補中益氣及六味地黃丸各百餘劑瘧愈經自行

一婦人久患瘧瘵作則經不行形虛脈大頭痛額食大便泄瀉小便淋瀝口乾唇裂內熱腹膨皆元氣下陷相火合病用補中益氣湯治之尋愈惟不時頭痛乃加蔓荊子而痛止又兼用六味地黄丸而經行

一婦人因勞耳鳴頭痛體倦此元氣不足用補中益氣加麥門五味而痊三年後得子因飲食勞倦前症益甚月經不行肺熱內熱自汗盜汗用六味地黄丸補中益氣湯頓愈前症若因血虛有火用四物加山梔柴胡不應八珍加前藥若氣虛弱用四君子若怒耳便聾或鳴者實也小柴胡加芎歸山梔虛用補中益氣加山梔若午前甚作火治用小柴胡加炒連炒梔氣虛用補中益氣午後甚作血虛用四物加白朮茯苓若陰虛火動或兼痰甚作渴心用地黃丸以壯水之三經云頭痛耳鳴九竅不利

利腸胃之所生也脾胃一虛耳目九竅皆爲之病

一婦人胃氣素弱爲哭母吐血咳嗽發熱盜汗經水三月不行余以爲悲則傷肺思則傷脾遂朝服補中益氣加桔梗貝母知母夕用歸脾湯送地黃丸而愈

### 帶下

或因六淫七情或因醉飽房勞或因膏粱厚味或服燥劑所致脾胃虧損陽氣下陷或濕痰下注蘊積而成故言帶也凡此皆當壯脾胃升陽氣爲主佐以各經見症之藥若屬肝則青小柴胡加山梔或濕熱壅滯小便赤澀龍膽瀉肝湯屬心則赤小柴胡加黃連山梔當歸屬肺則白補中益氣加山梔屬脾則黃六君子加山梔柴胡不應歸脾湯屬腎則黑六味地黃丸若氣血俱虛八珍湯陽氣下陷補中益氣湯濕痰下注前湯加茯苓牛

夏蒼大黃相氣虛痰飲下注四七湯送腎氣丸

治驗

一婦人年踰六十內熱口乾勞則頭暈吐痰帶下或用化痰行氣前症益甚飲食愈少肢體或麻格服祛風化痰散體常麻手足或冷或熱日漸消瘦余曰症屬脾氣虛弱而不能生肺祛風之劑必損諸經也當滋化源遂用補中益氣加茯苓半夏炮薑二十餘劑脾氣漸復飲食漸加諸症頓愈

一婦人腹脹脇痛內熱脯熱月經不調肢體痠麻不時吐痰或用清氣化痰喉間不利帶下青黃腹脇膨脹用行氣之劑胸膈不利肢體時麻此鬱怒傷損肝脾前藥益甚也朝用歸脾湯以解脾鬱生脾氣夕用加味逍遙散以生肝血清肝火兼服百餘劑而諸症愈

一婦人瘧久兼之帶下發後口乾倦甚余用七味白朮散加麥門五味作大劑煎與恣飲再發稍可乃用補中益氣加茯苓半夏十餘劑而愈凡截瘧余常以參朮各一兩生薑四兩煨熟煎服即止或以大劑補中益氣加煨薑其功尤捷

一婦人頭暈睡痰胸滿氣喘得食稍緩苦於白帶二十餘年矣諸藥不應余曰此氣虛而痰飲也飲愈而帶始愈遂用六味地黃丸不月而驗

一婦人耳鳴胸痞肉熱口乾喉中若有一核吞吐不利月經不調兼之帶下余以為肝脾鬱結用歸脾湯加半夏山梔升麻柴胡開以四七湯下白丸子而愈

一婦人吞酸胸滿食少便泄月經不調服法製清氣化痰丸兩膠漸腫寒熱往來帶下黃白面黃體倦余以為脾胃虛濕熱下



注用補中益氣信用參朮加茯苓半夏炮薑而愈若因怒發熱  
少食或兩腿赤腫或指縫常濕用六君加柴胡升麻及補中益  
一婦人帶下四肢無力勞則倦怠余曰四肢者土也此屬脾胃  
虛弱濕痰下注遂以補中益氣濟生歸脾二藥治之而愈  
一婦人年踰六十帶下黃白因怒胸膈不利飲食少思服消導  
利氣之藥反痰喘胸滿大便下血余曰此脾氣虧損不能攝血  
歸源也用補中益氣加茯苓半夏炮薑四劑諸症頓愈又用八  
珍加柴胡炒梔而安

血分水分

二症或因飲食起居失養或因六淫七情失宜以致脾胃虧損  
不能生發統攝氣血乖違行失常道若先因經水斷絕後至四  
肢浮腫小便不通血化為水名曰血分宜用椒仁丸治之若先  
小便不利後至身面浮腫經水不通水化為血名曰水分宜用  
葶藶丸治之此屬形氣不足邪淫隧道必用此藥以宣導其邪  
而佐以輔補元氣庶使藥力有所仗而行則邪自不能容而真  
氣亦不至於復傷矣

治驗

一婦人月經不調晡熱內熱飲食少思肌體消瘦小便頻數服  
濟陰丸月經不行四肢浮腫小便不通余曰此血分也朝用椒  
仁丸夕用歸脾湯漸愈乃以人參丸代椒仁丸兩月餘將愈專  
用歸脾湯五十餘劑而痊  
一癱婦月經不調小便短少或用清熱分利之劑小便不利三  
月餘身面浮腫月經不通余曰此水分也遂朝用葶藶丸夕用  
歸脾湯漸愈乃用人參丸開服而愈已上二症作脾虛水氣用

分利等藥而歿者多矣惜哉

小便出血

婦人小便尿血或因膏粱炙燔或因醉飽入房或因飲食勞役或因六淫七情以致元氣虧損不能統攝歸源若因怒動肝火者用加味道遙散調送髮灰肝經風熱者送子芩丸久而血虛者用八珍送髮灰若膏粱積熱者用清胃散加槐花甘草房勞所傷者用六君加柴胡升麻風熱所傷者用四君加防風枳殼凡久而虧損元氣者用補中益氣為主鬱結傷脾者用濟生歸脾為主

治驗

一婦人尿血因怒氣寒熱或頭痛或脇脹用加味道遙諸症稍愈惟頭痛此陽氣虛用補中益氣加蔓荊子而痊後鬱怒小腹

內疝痛次日尿血熱甚仍用前散加龍膽草并歸脾湯  
飲食所傷血仍作徹夜不寐心忪不寧此脾血尙虛用前湯而  
一婦人尿血久用寒涼止血藥面色痿黃肢體倦怠飲食不甘  
嘔熱作渴三年矣此前藥復傷脾胃元氣下陷而不能攝血也  
蓋病久鬱結傷脾用補中益氣以補元氣用歸脾湯以解脾鬱  
使血歸經更用加味道遙以調養肝血不月諸症漸愈三月

熱入血室

婦人傷寒或勞役或怒氣發熱適遇經行以致熱入血室或血  
不行或血不止令人晝則明了安靜夜則譫語如見鬼狀用小  
柴胡加生地黃血虛者用四物加生地柴胡切不可犯胃氣若  
病既愈而血未止或熱未已元氣素弱用補中益氣脾氣素鬱  
用濟生歸脾血氣素弱用十全大補庶無誤矣

治驗

一婦人經行感冒風寒日間安靜至夜譫語用小柴胡加生地治之頓安但內熱頭暈用補中益氣加蔓荊子而愈後因怒悒寒熱譫語胸脇脹痛小便頻數月經先期此是肝火血熱妄行用加味逍遙加生地而愈

一婦人因怒寒熱頭痛譫言妄語日晡至夜益甚而經暴至蓋肝藏血此怒動火而血妄行用加味逍遙散加生地治之神思頓清但食小體倦月經未已益厚統血此脾氣虛不能攝用補中益氣治之月經漸止

一婦人懷抱素鬱感冒經行譫語服發散之劑不應用寒涼降火前症益甚更加月經不止肚腹作痛嘔吐不食痰涎自出此脾胃虛寒用香砂六君脾胃漸健諸症漸退又用歸脾湯而愈

師尼寡婦寒熱

宋褚氏療師尼寡婦別製方藥謂獨陰無陽致血氣交爭乍寒乍熱如瘧或腰背作痛而寒熱其肝脉弦出寸口是其症也若室女出嫁愆期而寒熱亦然蓋男子精盛則思室女子血盛以懷胎此天地自然之理也治以小柴胡加生地久而血虛佐以四物若兼怒動肝火而寒熱者佐以加味逍遙散若兼虧損肝經而寒熱者佐以八珍湯若兼虧損元氣而寒熱者佐以補中益氣湯若兼鬱傷脾氣而寒熱者佐以濟生歸脾湯此症多兼經候不調當詳執為緩急而治之

治驗

一寡婦因怒致不時寒熱久而不已肝脉弦緊用小柴胡加生地治之而愈但見風寒熱仍作此是脾胃氣虛用加味歸脾中

益氣二湯兼服而止

一婦人因夫經商久不歸發寒熱月經旬日方止服降火涼血反潮熱內熱自汗盜汗月經頻數余曰熱汗氣血虛也經頻肝脾虛也用歸脾湯六味丸而愈當治兼症既愈而寒熱當仍用本症藥

一室女寒熱左手脈弦長而出寸口用小柴胡加生地烏梅治之而愈既嫁而諸症悉痊

一室女久患寒熱月經不調先以小柴胡加生地治之少愈更以生地黃丸而痊

一放出宮女年踰三十兩脰作痛肉色不變大小便中作痛如淋登廁尤痛此瘀血漬入隧道為患乃男女失合之症也難治後潰不斂又患瘰癧而歿此婦為吾鄉湯氏妾湯為商常在外

可見此婦在內久懷憂鬱及出外又不能如願是以致生此疾愈見瘰癧流注乃七情氣血損傷不可用攻伐皎然矣按精血篇云女人天癸既至踰十年無男子合則不調未踰十年思男子合亦不調不調則舊血不出新血誤行或漬而入骨或變而為腫或雖合而難于合多則瀝枯虛人產乳衆則血枯殺人觀其精血思過半矣

一室女年十七癰久不愈天癸未通發熱咳嗽飲食少思或欲用通經丸余曰此症潮熱經候不調者不治所喜脈不濇且不潮熱尚可治但養氣血益津液其經自行或於速効仍用之余曰非其治也此乃慄悍之劑大助陽火陰血得之則妄行脾胃得之則愈虛經果通而不止飲食愈少更加潮熱遂致不救

歷節痛風

即白虎歷節風

歷節痛或因飲食起居失節或因七情六淫失宜以致脾胃虧損腠理不密外邪所侵或為肝火內動肝血耗損或為肢體疼痛或為肢節難伸或為卒然掣痛或為走痛無常或內熱晡熱自汗盜汗或經候不調飲食不甘其治法屬風邪者小續命湯走注疼痛者漏蘆散骨節疼痛者四生丸濕熱痛者清燥湯兼痰佐以二陳肝火者加味逍遙散加羌活川芎脾鬱者加味歸脾加羌活川芎血虛者四物加羌活川芎氣虛者四君加羌活川芎氣血俱虛者八珍加羌活川芎月經先期而痛者加味逍遙散為主月經過期而痛者補中益氣為主大抵痛而不敢按者屬病氣元氣俱實也手按而痛緩者病氣元氣俱虛也若勞役而作痛者元氣虛也飲食失宜而作痛者脾胃虛也怒惱而作痛者肝火也經行而作痛血虛也凡此皆圍元氣為主而佐

以治病之藥

治驗

一婦人自汗盜汗發熱晡熱體倦少食月經不調吐痰甚多二年矣遍身作痛天陰風雨益甚用小續命湯而痛止用補中益氣加味歸脾二湯三十餘劑而愈自汗等症皆鬱結傷損脾氣不能輸養諸臟所致故用前二湯專主脾胃若用寒涼降火理氣化痰復傷生氣多致不起

一婦人因怒月經去多發熱作渴左目緊小頭項動掉四肢抽搐遍身疼痛此怒動肝火肝血虛而內生風用加味逍遙加鈞藤數劑諸症漸愈又用八珍湯調理而痊

一婦人月經先期素有痛症每勞必作用眾手重按痛稍止此氣血虛而有火用十全大補加獨活治之而痛痊用六味丸逍

遙散而經調

一婦人歷節作痛發熱作渴飲食少思月經過期諸藥不應脈洪大按之微細用附子八物四劑而痛止用加味道遙而元氣復六味丸而月經調

一婦人體肥胖素內熱月經先期患痛風下身微腫痛甚小便頻數身重脈緩症屬風濕而血虛有熱先用羌活勝濕湯四劑腫痛漸愈用清燥湯數劑小便漸清用加味道遙十餘劑內熱漸愈為飲食停滯發熱仍痛面目浮腫用六君加柴胡升麻而愈又因怒氣小腹痞滿寒熱嘔吐此木侮脾土用前藥加山梔木香而安惟小腹下墜似欲去後此脾氣下陷用補中益氣而愈後因勞役怒氣作嘔吐痰遍身腫痛月經忽來寒熱用六君加柴胡山梔以扶元氣清肝火腫痛嘔吐悉退用補中益氣以

升陽氣健營氣月經寒熱悉瘥

一婦人飲食少思畏見風寒患痛風嘔吐寒熱脈弦緊用附子八物四肢痛愈用獨活寄生腰痛亦痊惟兩膝腫痛用大防風而消用加味歸脾逍遙而元氣復

流注

婦人流注或因憂思鬱怒虧損肝脾或因產後勞役復傷氣血以致營氣不從逆於肉理或因腠理不密外邪客之或濕痰流注或跌撲血滯或產後惡露益氣流而注血注而凝或生於四肢關節或流於胸腹腰臀或結塊或漫腫皆屬虛損急用葱熨及益氣養榮湯則未成自消已成自潰若久而腫起作痛肢體倦怠病氣有餘形氣不足尚可治若漫腫微痛屬形氣病氣俱不足最難治不作膿或膿成不潰氣血虛也用八珍湯憎寒畏

寒陽氣虛也十全大補湯補熱內熱陰血虛也四物加參朮作  
嘔欲嘔胃氣虛也六君加炮薑食少體倦脾氣虛也補中益氣  
加茯苓半夏四肢逆冷小便頻數命門火衰也八味丸小便頻  
數痰盛作渴腎水虧損也六味丸月經過期多日不止肝脾虛  
也八珍湯加柴胡丹皮凡潰而氣血虛弱不斂者更用十全大  
補湯煎膏外補之久潰而寒邪凝滯不斂者用豆豉餅法散之  
其潰而內有膿管不斂者用針頭散腐化之自愈若不補氣血  
不節飲食不慎起居不戒七情或用寒涼剋伐俱不治

治驗

一婦人左臂患之年許不潰堅硬不痛肉色不變脈弱少食月  
經過期日晡發熱勞役則痛遂與參芪歸朮川芎芍藥熟地貝  
母遠志香附桔梗丹皮甘草百餘貼而消

一婦人暴怒腰腫一塊胸膈不利時或氣走作痛與方脈流氣  
飲數劑而止更以小柴胡對四物加香附貝母月餘而愈

一婦人因怒脇下腫痛胸膈不利脈沉滯以方脈流氣飲數劑  
少愈以小柴胡對二陳加青皮桔梗貝母數劑頓退更以小柴  
胡湯對四物二十餘劑而痊

一婦人因閃胸肩患腫遍身痛遂以黑丸子二服而痛止以方  
脈流氣飲二劑而腫消更以二陳對四物加香附枳殼桔梗而  
全愈

一婦人腿患筋攣骨痛諸藥不應脈遲緊用大防風湯二劑頓  
退又二劑而安○又一婦患之亦然先用前湯二劑更服黑丸  
子而痊此二患若失治潰成敗證

一婦人潰後發熱予以爲虛彼不信乃服敗毒藥果發大熱竟

至不救夫潰瘍雖有表證發熱宜以托裏為主佐以表散之劑  
何況瘰癧流注乎若氣血充實經絡通暢決無患者此證之因  
皆由氣血素虧或七情所傷經絡鬱結或腠理不密六淫外侵  
隨道壅塞若不審其所因辨其虛實鮮不悞人

### 瘰癧

婦人瘰癧或因胎產血崩虧損腎肝或因憂思鬱怒傷損肝脾  
或因悲怒風熱肝膽血燥或因水涸血虛筋變則累累然如貫  
珠故多生於耳前後項側胸脇間若寒熱腫痛乃肝經氣動而  
為病用柴胡梔子散以清肝火為主而佐以逍遙散以養肝血  
若寒熱既止而核不消乃肝經之血亦病用加味四物湯以養  
肝血為主而佐以柴胡梔子散以清肝火若初生如豆粒附着  
於筋肉色不變內熱口乾精神倦怠久不消潰乃肝脾虧損用

逍遙散歸脾湯六味丸健脾土培肝木切不可輕用散  
之劑外臺秘要云肝腎虛熱則生瘰癧矣病機云瘰癧不係膏  
丹毒因虛勞氣鬱所致補形氣調經脈其瘡當自消散誤下之  
先犯病禁經禁若久潰脈浮大邪火盛也面色眊白金剋木也  
皆不治若赤脈貫瞳子有幾條則幾年死

### 治驗

一婦人久而不愈或以為木旺之症用散腫潰堅湯伐之腫硬  
益甚余以為肝經氣血虧損當滋化源用六味地黃丸補中益  
氣湯至春而愈此症若肝經風火暴病元氣無虧宜用前湯若  
風木旺而自病宜用瀉青丸虛者用地黃丸若水不能生木亦  
用此丸若金來剋木宜補脾土生腎水大凡風木之病但壯脾  
土則木自不能剋矣若行伐肝則脾胃先傷而木反來剋土矣



一婦患之恐不起致少寐年餘慮破膿水淋離經水或五十日或兩月餘一至誤服通經丸展轉無寐午前惡寒午後發熱余以爲思慮虧損脾血用歸脾湯作九午前以六君子送下午後以逍遙散送下兩月餘得寐半載後經行如期年餘而瘡愈

一癩婦潰後發熱煩躁作渴脉大而虛以當歸補血湯六劑而寒熱退又以聖愈湯數劑而全愈更以八珍加貝母遠志三十餘劑而斂

一婦人項結核寒熱頭痛脇乳脹痛內熱口苦小便頻數症屬肝火血虛用四物加柴胡山梔膽草而愈又用加味逍遙散而一婦人癩癧後遍身作痒脉大按而虛以十全大補加香附治之而愈大凡潰後午前痒作氣虛午後瘳作血虛若作風症治之必死

一婦人項核腫痛察其氣血俱實先以必効散一服下之更以益氣養榮湯補之三十餘劑而消常治此症若必欲出膿但虛弱者先用前湯待其氣血稍克乃用必効散去其毒仍用補藥無不効未成膿者灸肘尖調經解鬱及隔蒜灸多自消有膿卽針之若氣血復而核不消却服散堅之劑月許不應氣血不損須用必効散其毒一下卽多服益氣養榮湯如不應亦灸肘尖如瘡口不斂者更用豆豉餅琥珀膏若氣血俱虛或不慎飲食必腐者不治然此症以氣血爲主氣血壯實不用追蝕之劑亦能自腐但取去使易於收斂耳血虛而用追蝕不惟徒治適足以敗矣

### 乳癰乳巖

婦人乳癰屬膽胃二腑熱毒氣血壅滯故初起腫痛發於肌表

肉色焮赤其人表熱發熱或發寒熱或憎寒頭痛煩渴引冷用人參敗毒散神效瓜蒌散加味逍遙散治之其自消散若至數日之間膿成潰竅稠膿湧出膿盡自愈若氣血虛弱或誤用敗毒久不收斂膿清脉大則難治乳巖屬肝脾二臟鬱怒氣血虧損故初起小核結於乳內肉色如故其人內熱夜熱五心發熱肢體倦瘦月經不調用加味歸脾湯加味逍遙散神效瓜蒌散多自消散若再日漸大巖色赤出水腐潰深洞用前歸脾湯等藥可延歲月若誤用攻伐危殆迫矣大凡乳症若因志怒宜疎肝清熱焮痛寒熱宜發表散邪腫焮痛甚宜清肝消毒並隔蒜灸不化膿或膿不潰補氣血為主不收斂或膿稀補脾胃為主膿出反痛或發寒熱補氣血為主或膿熱內熱補血為主若飲食少思或作嘔吐補胃為主飲食難化或作泄瀉補脾

為主勞碌腫痛補氣血為主怒氣腫痛養肝血為主兒口所出必吮通探散成癰治以前法潮熱暮熱亦主前藥大抵男子由房勞耗傷肝腎婦人鬱怒虧損肝脾治者審之世以孕婦患然其所致之因則一惟用藥不可犯其胎耳

治驗

一婦人內熱脇脹兩乳不時作痛口內不時辛辣若卧而起急則臍下牽痛此帶脉為患用小柴胡加青黃連山桅二劑而愈  
一婦人因怒兩乳腫兼頭痛寒熱用人參敗毒散二劑表症已退用小柴胡加芎歸枳殼桔梗四劑而消  
一婦人久鬱右乳內腫硬用八珍湯加遠志貝母柴胡青皮及隔蒜灸兼服神效瓜蒌散兩月餘而消  
一婦人左乳內腫如桃不痛不赤發熱漸瘦用八珍加香附遠

志青皮柴胡百餘劑又兼服神效瓜戛散三十餘劑膿潰而愈  
一婦人鬱久左乳內結核如杏許三月不消心脈澹而脾脈大  
按之無力以八珍加貝母遠志香附柴胡青皮桔梗五十餘劑  
而潰又三十餘劑而愈

一婦人稟實性躁懷抱久鬱左乳內結一核按之微痛以連翹  
飲子二十餘劑少退更以八珍加青皮香附桔梗貝母二十餘  
劑而消

一婦人發熱作渴至夜尤甚兩乳忽腫肝脈洪數乃熱入血室  
也用加味小柴胡湯熱止腫消

一婦人因怒左乳作痛發熱表散大過腫熱益甚用益氣養榮  
湯數劑熱止膿成不從用針腫脹熱渴針膿大泄仍以前湯月  
餘始愈此症若膿成未破有薄皮剝起者用代針之劑其膿自

出不若及時用針不致大潰若膿血未盡輒用生肌反助其邪  
慎之

一婦人因怒左乳作痛胸膈不利以方脈流氣飲加木香青皮  
四劑而安

一婦人膿清腫硬面黃食少內熱晡熱自汗盜汗月經不行此  
肝脾氣血俱虛用十全大補加遠志貝母及補中益氣各三十  
餘劑外用葱熨患處諸症尋愈

一婦人膿成脹痛余欲針之不從數日始針出敗膿三四碗許  
虛症蜂起幾至危殆用大補兩月餘而安若元氣虛弱不作膿  
者用益氣養榮湯補之膿成即針若腫痛寒熱怠惰食少或至  
夜熱甚用補中益氣湯兼逍遙散補之為善

一產婦因乳少服藥通之致乳房腫脹發熱作渴以玉露散補

之而愈失乳汁乃氣血所化在上為乳在下為經若衝任之脉盛脾胃之氣壯則乳汁多而濃衰則淡而少所乳之子亦弱而多病又有屢產無乳或大便瀉滯乃亡津液也當滋化源一婦人右乳內結三核年餘不消朝寒暮熱飲食不甘此乳巖以益氣養榮湯百餘劑血氣漸復更以木香餅熨之喜其謹疾年餘而消

至英內年二十有五素虛弱多鬱怒時疫後脾胃愈虛飲食愈少又值氣忿右乳脇下紅腫應內作痛用炒麩皮熨之腫雖少散內痛益甚轉側胸中如物懸墜遂與加減四物湯內腫如鵝卵外大如盤胸脇背心相引而痛夜熱勢甚時治者皆以攻毒為言即諸先庄乃云此病後脾弱而復怒傷肝治法惟主於健脾氣平肝火則腫自消而病自愈矣承惠方以八物加陳皮黃

芪柴胡山梔白芷服八劑病減六七去日芷加青皮木香桔梗又六劑而全愈奏功之奇獲効之速蓋出於尋常萬萬也感激厚恩昕夕不忘錄此乞附醫案以詔後之患者毋為攻毒者之所惑也晚生尤至英頓首再拜書

一婦人乳內結核年餘晡熱少食余欲用益氣養榮湯治之彼以為緩乃服行氣之劑其勢愈甚潰而日出清膿而歿郭氏妾乃放出宮女乳內結一核如栗亦服流氣等藥大如覆碗堅硬如石出水而歿

血風瘡

婦人血風瘡因肝脾二經風熱鬱火血燥所致其外症身發疙瘡或如丹毒痒痛不常搔破成瘡膿水淋漓其內症月經無定小便不調夜熱內熱自汗盜汗惡寒憎寒肢體倦怠飲食不甘

婦人血風瘡因肝脾二經風熱鬱火血燥所致其外症身發疙瘡或如丹毒痒痛不常搔破成瘡膿水淋漓其內症月經無定小便不調夜熱內熱自汗盜汗惡寒憎寒肢體倦怠飲食不甘

寒熱往來若發熱作痛乃肝經風熱血燥用當歸飲加柴胡山  
梔若體倦食少口乾潮熱乃肝脾鬱火傷血用加味逍遙散若  
疙瘩痛痒寒熱往來乃肝經風熱傷血用小柴胡加山梔黃連  
若夜間發熱作渴譫語乃熱入血室用小柴胡加生地黃血虛  
四物合小柴胡湯若無寐盜汗內熱晡熱乃脾經血虛用歸脾  
湯兼寒熱加山梔熟地若用風藥復傷陰血反致他症

治驗

一婦人素清苦四肢患此誤用敗毒寒涼晡熱內熱自汗盜汗  
月經不行口乾咽燥此鬱結傷脾四肢者脾主之用歸脾湯數  
劑後兼逍遙散五十餘劑而愈

一婦人性躁寒熱口苦膈痛耳鳴腹脹溺瀆年餘矣症屬肝火  
用四君加柴胡炒山梔炒龍膽數劑乃與逍遙散兼服而瘡愈  
又與六味丸及逍遙散七十餘劑諸症悉退若有愈後身起白  
屑搔則肌膚如帛所隔此氣血虛不能營於腠理用大補之劑  
若有愈後發熱身起疙瘩痒痛搔破膿水淋漓經候不調此肝  
火血熱用四物加柴胡山梔白朮茯苓丹皮甘草

一婦人日晡身痒月餘口乾又月餘成瘡服祛風之劑膿水淋  
瀝午前畏寒午後發熱殊類風症余謂此肝經鬱火外邪所搏  
用補中益氣加山梔鈎藤又以逍遙散加川芎貝母而愈  
一婦人搔痒發熱日晡益甚膚見赤痕月經過期此血虛有熱  
以逍遙散倍加熟地熱止痒退更以四物加參芪柴胡炙甘草  
苓調理遂愈

一女子十二歲善怒遍身作痒用柴胡川芎山梔芍藥以清肝  
火以生地當歸黃芩涼肝血以白朮茯苓甘草健脾土而愈半

載後遍身起赤痕或時眩暈此肝火熾甚血得熱而妄行是夜果經至

### 廉瘡

婦人兩廉生瘡或因胎產飲食失宜傷損脾胃或因憂思鬱怒虧損肝脾以致濕熱下注或外邪所侵外廉屬足三陽可治內廉屬足三陰難治若初起發腫赤痛屬濕毒所乘用人參敗毒或檳蘇敗毒散若漫腫作痛或不腫不痛屬脾虛濕熱下注用補中益氣或八珍湯若膿水淋漓體倦少食內熱口乾屬脾氣虛弱用補中益氣加茯苓酒炒芍藥若午後頭目不清屬陰火用前湯加酒炒黑黃柏若午後發熱體倦屬血虛用前湯加川芎熟地若懷抱不樂而甚用歸脾湯加山梔柴胡若恚怒氣逆而甚用補中益氣加川芎山梔若內熱體倦痰涎口瘡屬脾腎虛熱用六味丸若肢體畏寒飲食少思屬脾腎虛寒用八味丸大抵色赤屬熱毒易治色黯屬脾腎虛寒難治設誤用攻伐復傷胃氣難保其生

### 治驗

一婦人患之四畔微赤作痛重墜膿水淋漓胸膈不利飲食少思內熱口苦夜間少寐此屬脾虛鬱傷用歸脾湯解鬱結而生脾血用補中益氣加茯苓半夏補脾氣而除濕毒愈  
一婦人久不愈色赤微熱日晡焮腫形體虛弱飲食少思用歸脾湯惡寒發熱此脾虛下陷用補中益氣湯而愈  
一婦人三年矣色黯腫硬惡寒發熱飲食少思形體消瘦作渴飲湯飲食稍多或腹脹或泄瀉或作嘔或吞酸此脾氣虛寒用補中益氣加乾薑肉桂五十餘劑而愈

婦人因入 朝步履惡寒發熱倦怠懶食瘡口出血此勞傷元氣不能攝血歸經用補中益氣湯而愈

婦人因怒寒熱頭眩或耳項胸脇脹痛或小腹陰道悶墜或小便頻數下血此屬肝火血熱先用小柴胡湯加炒黑山梔川芎當歸車前二劑諸症頓退又用加味道遙散補其陰血而愈後因飲食勞倦前症復作瘡口出血用補中益氣湯治之

婦人患將兩月嗽赤腫痛小便頻數飲食如常用活命飲二劑諸症悉愈又用八珍湯而痊

婦人患此嗽痛惡寒發熱用檜蘇敗毒散而寒熱退用仙方活命飲而嗽痛止再用補中益氣湯而形氣健

陰瘡

交接出血陰挺陰痒陰蟲附

婦人陰瘡乃七情鬱火傷損肝脾濕熱下注其外症有陰中舒

出如蛇俗呼陰挺有翻突如餅俗呼陰菌亦有如鷄冠亦有生諸蟲亦有腫痛濕痒潰爛出水脹悶脫墜者其內症口乾熱體倦經候不調飲食無味晡熱發熱胸膈不利脇肋不調小腹痞脹赤白帶下小水淋瀝其治法腫痛者宜用四物加柴胡山梔丹皮膽草濕痒者宜用歸脾加山梔丹皮柴胡淋瀝者宜用龍膽瀉肝加白朮丹皮潰腐者宜用加味道遙散腫悶脫墜者宜用補中益氣加山梔丹皮佐以外治之法備見治驗

治驗

一婦人胸膈不利內熱作渴飲食不甘肢體倦怠陰中悶痒小便赤澀此鬱怒所致用歸脾加山梔而愈後因怒患處并小腹脹痛用小柴胡加山梔芍藥而愈但內熱晡熱用道遙散加山梔而愈後因勞役發熱患處腫脹小便仍澀用補中益氣

加山梔茯苓丹皮而愈

一婦人陰中突出如菌四圍腫痛小便頻數內熱瞞熱似痒似痛小腹重墜此肝脾鬱結之症蓋肝火濕熱而腫痛脾虛下陷而重墜也先以補中益氣加山梔茯苓車前青皮以清肝火升脾氣漸愈更以歸脾湯加山梔茯苓川芎調理更以生豬脂和蒸盧末塗之而收入

一婦人陰中挺出一條五寸許悶痛重墜水出淋漓小便瀉滯夕與龍膽瀉肝湯分利濕熱朝與補中益氣湯升補脾氣諸症漸愈再與歸脾加山梔茯苓川芎黃柏間服調理而愈後因勞役或怒氣下部濕痒小水不利仍用前藥即愈亦有尺許者亦有生諸蟲物者皆用此治

一婦人腐潰膿水淋漓腫痛寒熱小便赤澀內熱作渴肢體倦怠胸膈不利飲食少思三月餘矣用補中益氣內柴胡升麻各用一錢加茯苓一錢炒山梔二錢數劑少愈又與歸脾加山梔川芎茯苓三十餘劑諸症悉退惟內熱尚在再與逍遙散倍用山梔而愈

一婦人素性急陰內或痛小便赤澀怒則益甚或發熱或寒熱治以芎歸炒梔柴胡冬木丹皮澤瀉炒芍炒車前炒連生草數劑漸愈乃去黃連澤瀉又數劑而全愈

一婦人素鬱悶陰內痛痒不時出水飲食少思肢體倦怠用歸脾加丹皮山梔芍藥柴胡生草主之而安  
一婦人陰內痒痛內熱倦怠飲食少思用參芪歸木陳皮柴胡炒梔炒車前升麻芍藥丹皮茯苓治之而瘥若陰中有蟲痒痛亦屬肝木以桃仁研膏和雄黃末納陰中以殺之仍用清肝解



醫有以鷄肝納之者乃取蟲之法也

一婦人交接違理出血作痛發熱口乾誤服寒涼之藥前症益甚不時欲嘔飲食少思此症屬肝經而藥復傷脾也丸用六君子加柴胡而脾胃漸愈乃用加味逍遙散而患處亦痊

一婦人每交接輒出血作痛敷服皆涼血止痛之劑不時出血甚多此肝傷而不能藏血脾傷而不能攝血也用補中益氣濟生歸脾二湯而愈若交接出血用熟艾熱裹人陰中若交接違理而出血用亂髮青布燒為末敷之血自止若出血過多而見他症但用前藥調補肝脾諸症自愈矣

一婦人陰腫下墜悶痛出水胸腹不利小便頻數內熱瞞熱口苦耳鳴先用小柴胡加車前膽草苓朮升麻二劑稍緩又用加味逍遙加升麻數劑稍愈乃以加味歸脾加升麻柴胡并補中

益氣加山梔數劑漸愈仍用加味逍遙加味歸脾二藥調理

一婦人熱痛用寒涼敗毒飲食不入時欲嘔吐小腹重墜似欲去後此脾胃虧損元氣下陷症屬虛寒先用補中益氣加炮薑二劑重墜如失再用前湯加茯苓半夏二十餘劑而愈乃以歸脾少加柴胡升麻六味地黄丸調理兩月餘而康

附方并註

保和丸 治飲食停滯胸膈痞滿或作吞酸等症

山查 取肉二兩蒸 神麴 炒 半夏 各一兩 茯苓 各一兩

蘿蔔子 炒 陳皮 連翹 各五錢

右為末粥丸加白朮二兩名人安丸

越鞠丸 治六鬱胸膈痞滿嘔吐吞酸或濕熱腹脹腿脚酸疼等症

香附

神麴炒

香附

山查

山柝炒

撫芎

麥芽炒各等分

右各另為末水調炒麴麵糊為丸桐子大每服五七十九白

滾湯下

左金丸一名四合丸治肝火胸脇刺痛或發寒熱或頭目作痛小便

淋秘或小腹疼痛一切肝火之症

黃連六兩

吳茱萸一兩湯煮片時用

右為末粥丸白木陳皮湯下

椒仁丸 治先因經水斷絕後至四肢浮腫小便不通血化為

椒仁

續隨子去皮研

附子炮

郁李仁

黑牽牛

五靈脂研碎

當歸

吳茱萸

延胡索各五錢

石膏

膽礬

人言各一錢

既青

十枚十頭翅是同糯米炒黃去米不用

班狗

十管糯米炒黃去米不用

右為末麴糊為丸如豌豆大每服一丸橘皮湯下此方藥雖峻利所用不多若畏而不服有養病害身之患常治虛弱之人亦未見其有誤也

血分葶藶丸 治先因小便不利後至身面浮腫經水不通水

化為血

葶藶研炒

續隨子去殼各半兩研

右為末棗肉丸如桐子大每服七丸煎匾竹湯下如大便利

者減續隨子葶藶各一錢加白木五錢

人參丸 治經脈不利化為水流走四肢悉皆腫滿名曰血分

其候與水相類者作水治之非也宜用此

香氏醫按

香氏醫按

香氏醫按

人參

大黃

濕紙裹飯上蒸  
熟去紙切炒

當歸

桂心

瞿麥穗

赤芍藥

白茯苓

各半

葶藶

炒另研  
一錢

右為末煉蜜丸桐子大每服十五丸至二十九空小飲湯

栝子仁丸 治血虛有火月經耗損漸至不通日漸羸瘦而生

潮熱溼母以毒藥通之宜栝子仁丸澤蘭湯主之

栝子仁

炒

牛膝

酒拌

卷栝

各半

澤蘭葉

續斷

各二

熟地黄

用生者三兩酒拌蒸  
半日忌鐵器有膏

右為末入地黄膏加煉蜜丸桐子大每服三十九空小飲

澤蘭湯 治症同前

澤蘭葉

三兩

當歸

酒拌

芍藥

炒各  
一兩

甘草

五錢

右為粗末每服五錢水二鍾煎至一鍾去查溫服

獨參湯 治一切失血惡寒發熱作渴煩躁並宜此藥補氣益

血生於氣陽生陰長之理也用人參二兩棗十枚水煎服

王露散 治乳脉不行身體壯熱頭目昏痛大便澁滯等症

人參

白茯苓

桔梗

炒

川芎

白芷

當歸

芍藥

各一

甘草

五分

右水煎服

若熱甚大便秘量加炒大黃

聖愈湯 治血虛心煩睡臥不寧或五心煩熱

地黄

酒拌蒸  
半日

生地黄

酒

川芎

人參

各五  
錢

當歸

酒拌

黃芪

炒各  
一錢

右水煎服

當歸飲 治血熱癰瘡痒痛膿水淋漓發熱等症

當歸

白芍藥

川芎

生地黄

香氏醫按

香氏醫按

香氏醫按

白蒺藜各一錢

防風

荆芥各五分

黃芪一錢

何首烏

甘草五分

石水煎服

龍膽瀉肝湯

治肝經濕熱下部腫焮作痛小便澀滯陰挺如

菌或出物如蟲等症

龍膽草

酒拌炒黃 澤瀉各一錢

車前子炒

木通

生地黄

酒拌 當歸尾酒拌

山梔炒

黃芩

生甘草

各五分

右水煎服

烏賊魚骨丸

治婦人血枯胸膈四肢滿妨於食飲病至聞腥

臊臭氣先唾血出清液或前後泄血目眩轉月事衰少不來

烏賊魚骨

去甲

藺茹一兩

右為末以雀卵和成劑丸如小豆大每服五丸加至十丸以

鮑魚煎湯下以飲壓之

青州白丸子

治風痰咳嗽或牙關緊急不知人事或痰厥

南星三兩

半夏七兩

白附子二兩

川烏半兩各

右為末絹袋盛并水擺浸仍換水浸三五日晒乾糯米粉在

如急用以薑汁糊丸亦可

四七湯

治七情鬱結咽間如有一核吞吐不利或中脘痞滿

痰涎壅喘或惡心少食

紫蘇葉一錢

厚朴一錢五分

茯苓一錢

半夏姜製七分

右薑棗水煎服

若白帶以此湯送前丸其効如神

當歸龍薈丸

治肝經壅脇下作痛或有積塊或下疳便癰小

便淋瀝或瘀血凝滯小腹作痛

當歸

酒拌

龍膽草酒拌炒

梔子仁炒

黃連

齊天壽安

女科要略

卷之三

青皮 黃芩各一兩 六黃酒拌 蘆薈

青黛 柴胡各五錢 木香二錢五分 麝香五分

右為末炒神麴糊丸每服二三十丸姜湯下

阿魏膏 治一切瘡塊

羌活 獨活 玄參 官桂

赤芍藥 川山甲 生地黄 兩頭尖

大黃 白芷 天麻各五錢 紅花四錢

槐柳桃枝各三錢 木鱉子三十枚

亂髮如鷄子大一塊

右用香油二斤四兩煎黑去粗入髮再煎化仍去粗徐下黃

丹煎軟硬得中方入芒硝阿魏蘇合油乳香沒藥五錢麝香

三錢調勻成膏矣攤貼患處內服蘆薈丸等黃丹須真正者

効凡貼膏藥先用朴硝隨患處鋪半指厚以紙蓋用熱熨斗熨良久如硝耗再加熨之熨二時許方貼膏藥若是肝積加

蘆薈末同熨

蘆薈丸 治疔瘡口舌生瘡牙齦腐爛或遍身生瘡等症

大皂角 青黛 蘆薈 硃砂

麝香研各一錢 乾蝦蟇用皂角各等分燒存性為末一兩入前項藥

右為末蒸餅糊丸麻子大每服五七十丸米飲下

局方小續命湯 治歷節痛風痰盛口噤腰背反張等症

防已 肉桂去粗皮 杏仁去皮尖炒黃 黃芩

白芍 甘草 川芎 麻黃去節

人參去蘆各一兩 附子炮去皮臍半兩 防風一兩五錢

右為粗末每服三錢薑棗水煎服

調中益氣湯 治體怠嗜臥不思飲食或痰嗽泄瀉等症

黃芪 一錢

人參 去蘆

甘草

蒼朮 各五分

柴胡

橘皮

升麻

木香 各二分

右薑棗水煎空心服

佛手散 治妊娠傷胎下血

當歸 三錢

川芎 二錢

右水煎食前服

木香餅 治一切氣滯結腫或痛或閃胸及風寒所傷作痛並

木香 五錢

生地黄 一兩

右木香爲末地黄杵膏和勻量患處大小作餅置患處以熱熨斗熨之

隔蒜灸法 治一切瘡毒大痛或不痛或麻木如痛者灸至不

痛不痛者灸至痛其毒隨火而散蓋火以暢達接引鬱毒此  
從治之法也有回生之功用大蒜頭去皮切三文錢厚安瘡  
頭上用艾壯於蒜上灸之三壯換蒜復灸未成者卽消已成  
者亦殺其大勢不能爲害如瘡大用蒜搗爛攤患處將艾鋪  
上燒之蒜敗再換如不痛或不作膿及不起發或陰瘡尤宜  
多灸灸而仍不痛不作膿不起發者不治此氣血虛極也  
神効葱熨法 治虛怯人肢體患腫塊或作痛或不痛或風襲  
於經絡肢體疼痛或四肢筋攣骨痛又治流注跌撲傷損腫  
痛用葱頭細切杵爛炒熱敷患處冷易之再熨腫痛卽止其  
効如神

豆豉餅 治瘡瘍腫硬不潰及潰而不斂并一切頑瘡惡瘡用  
江西豆豉爲末唾津和作餅子如錢大厚如三文置患處以

瘡毒最要上卷

艾壯於餅上灸之乾則易之如背瘡用漱口水調作餅覆患處以艾鋪餅上灸之如未成者即消已成者能消其毒如有不効氣血虛敗也

益氣養榮湯 治抑鬱瘰癧或四肢患腫肉色不變或日晡發熱或潰而不斂

人參

茯苓

陳皮

貝母

香附

當歸

川芎

黃芪

熟地黃

芍藥

甘草

桔梗

白朮

右薑水煎服

人參養榮湯 治潰瘍發熱惡寒四肢倦怠體瘦少食面黃短氣不能收斂若大瘡愈後多服之不變他病

白芍藥

陳皮

黃芪

桂心

當歸

白朮

甘草

熟地黃

五味子

茯苓

遠志

右薑藥水煎服

方脈流氣飲子 治惱怒胸膈脹滿或肢體作痛或結壅臃血氣無虧者

紫蘇葉

青皮

苦梗

半夏

當歸

芍藥

烏藥

茯苓

川芎

黃芪

枳殼

防風

甘草

橘皮

大腹皮

木香

右薑藥水煎服

瀉毒丸 治肝經鬱火實熱脇乳作痛大便秘結及肝經一切實火症

實火症

瀉毒丸 治肝經鬱火實熱脇乳作痛大便秘結及肝經一切實火症

前日醫抄

當歸

龍膽草

川芎

山梔

大黃

羌活

防風各等分

右為末蜜丸鷄子大每服一二丸

人參敗毒散 治瘡瘍焮痛發寒熱或拘急頭痛等症

人參

羌活

獨活

前胡

柴胡

桔梗

枳殼

茯苓

川芎

甘草各一錢

右水煎服

生地黄丸 治師尼寡婦乍寒乍熱肝脉弦長而出魚際

生地黄

一兩酒拌許膏

秦艽

黃芩

硬柴胡

各五錢

赤芍藥

一兩

右為細末入地黃膏加煉蜜少許丸桐子大每服三十九烏梅煎湯下日進二服亦治室女患此

連翹飲子 治乳內結核

連翹

川芎

瓜蒌仁研

皂角刺炒

橘葉

青心去白

甘草節

桃仁各一錢半

右水煎服

必効散 治癰腫未成膿者自消已潰者自斂

南鵬砂

二錢五分

輕粉

一錢

班

貓四十箇糯米同炒熟去頭翅

麝香

五錢

巴豆

五粒去殼心膜

白楸榔

一箇

右為細末每服一錢五更用滾湯調下如小水澇滯或微痛

此癰毒欲下也進益元散一服即下此方班貓巴豆似為峻

厲然用巴豆乃解班貓之毒用有勿畏

琥珀膏 治頸項癰癧及腋下初如梅子腫結硬強漸如連珠

不消不潰或潰而膿不絕經久不瘥漸成漏症

外科最要



琥珀

木通

桂心

當歸

白芷

防風

松脂

硃砂

木鱉子

肉各麻油一斤

丁香

木香各三錢

石先用琥珀丁香桂心硃砂木香為細末其餘藥入油內煎  
焦黑濾去粗徐徐入黃丹再煎軟硬得中即成膏矣

神效瓜蒞散 治乳癰初起腫痛久一切癰疽或膿出後餘毒

亦宜用之

黃瓜羹

子多者

當歸 半兩

生甘草 半兩

沒藥 一錢

另研

乳香 一錢

右酒水煎服

餘方見下卷

外科撮要下卷

薛氏醫按

吳郡薛 已著

新都閔道政校

保胎

妊娠若元氣不實發熱倦怠或胎動不安用當歸散因氣惱加  
枳殼胸膈痞悶再加蘇梗或作痛加柴胡若飲食不甘或欲嘔  
吐用六君加紫蘇枳殼若惡阻嘔逆頭暈體倦用參橘散未應  
用六君子湯若惡阻嘔吐不食煩悶亦用參橘散之類若頸什  
胎動腹痛下血用膠艾湯未應用八珍加膠艾若頸什毒藥腰  
痛短氣用阿膠散未應煎送知母丸若頸什胎傷下血腹痛用  
佛手散未應用八珍送知母丸若心驚膽怯煩悶不安名子煩  
用竹葉湯未應血虛佐以四物氣虛佐以四君若下血不止名

濟氏醫按

女科撮要下卷

月四

胎漏血虛用二黃散血去多用八珍湯未應用補中益氣湯若  
因事而動下血用枳殼湯加生熟地黃未應或作痛更加當歸  
血不止入玆加膠艾若不時作痛若小腹重墜名胎痛用地黃  
當歸湯未應加參朮陳皮或因脾氣虛用四君加歸地中氣虛  
用補中益氣湯若面目虛浮肢體如水氣名子腫用全生白朮  
散未應用六君子湯下部腫甚用補中益氣倍加茯苓或因飲  
食失宜嘔吐泄瀉此是脾胃虧損用六君子湯若足指發腫漸  
至腿膝喘悶不安或足指縫出水名水氣用天仙藤散脾胃虛  
弱兼以四君子未應用補中益氣兼以逍遙散若胎氣上攻心  
腹脹滿作痛名子懸用柴蘇飲飲食不甘兼四君子內熱時  
兼逍遙散若小便澹少或成淋瀝名子淋用安榮散不應兼八  
珍湯腿足轉筋而小便不利急用八味丸緩則不救若項強筋

經語瀆痰盛名子癩用羚羊角散或飲食停滯腹脹嘔吐此是  
脾胃虛弱而不能消化用六君子湯不應用平胃散加參苓或  
胎作脹或腹作痛此是脾胃氣虛而不能承載用安胎飲加升  
麻白朮不應用補中益氣湯或臍腹作脹或小便淋閉此是脾  
胃氣虛胎壓尿胞四物加二陳參朮空心服後探吐藥出氣  
定又服又吐數次必安或因勞役所傷或食煎炒小便帶血此  
是血得熱而流于脾中宜清膀胱用逍遙散或遺尿不禁或為  
頻數此是肝火血熱用加味逍遙散若胸滿腹脹小便不通遍  
身浮腫名胎水不利用鯉魚湯脾胃虛佐以四君子病名同而  
形症異形症異而病名同聊見本方凡用見症之藥不應當分  
片經治之

治驗

一妊娠三月其經月來三五次但不多飲食精神如故此血盛有餘兒大能飲自不來矣果然

一妊娠六月每怒氣便見血甚至寒熱頭痛脇脹腹痛作嘔少食余謂寒熱頭痛肝火上衝也脇脹腹痛肝氣不行也作嘔少食肝侮脾胃也小便見血肝火血熱也用小柴胡加芍藥炒黑山梔茯苓白朮而愈

一妊娠六月體倦食少勞役見血用六君加當歸熟地升麻柴胡而愈

一妊娠每三四月胎便作痛余用地黃當歸湯治之不日而愈  
一妊娠三月飲食後因怒思癰連吐三次用藿香正氣散二劑隨用安胎飲一劑而愈後因怒痰甚狂言發熱胸脹手按少得此肝脾氣滯用加味逍遙散加川芎二劑頓退四劑而安

一婦人每怒發執脇脹小便淋瀝每月經行旬餘未已受胎

月因怒前症復作朝用加味逍遙散夕用安胎飲各二劑而安

五月又怒復作下血如經行四日未止仍用前藥而愈

一妊娠將三月嘔吐惡食體倦嗜臥此惡阻之症用人參橘皮湯二劑漸愈又用六君加紫蘇二劑而安

一妊娠吞酸惡心欲作嘔吐此飲食停滯用六君加麩炒黑子芩枳殼香附治之而愈

一妊娠飲食後惱怒寒熱嘔吐頭痛惡寒胸腹脹痛大便不實面色青小便頻數而有血余曰當清肝健脾為主不信乃主安胎止血益甚問余曰何也余曰大便不實而或青此是飲食既傷動五行兼木侮小便頻數而有血此是肝火血流於胞而兼

挺痿也

用六君子加枳殼紫蘇山梔二劑脾胃頓醒又用加味

三

月四

道遙加紫蘇枳殼二劑小便頻清更節飲食調理而安  
一妊娠每至五月肢體倦怠飲食無味先兩足腫漸至遍身後  
及頭面此是脾肺氣虛朝用補中益氣夕用六君子加蘇梗而  
愈凡治妊娠毋泥其月數但見某經症使用某藥為善  
一妊娠因怒吐血塊四日不止兩脇脹痛小便淋瀝此怒而血  
著於上部火炎而隨出也脇脹腹痛小便淋瀝肝經本病也用  
小柴胡合四物四劑而止却用六君子安胎飲調理而安  
一妊娠氣喘痰甚諸藥不應問治於余詢之云素有帶下始於  
目下浮兩月餘其面亦然此氣虛有痰飲也用六味丸料而愈  
凡婦人氣血方盛乳房作脹或無兒飲痛脹寒熱用麥芽二三  
兩炒熟水煎服立消其耗散血氣如此何脾胃虛弱飲食不消  
方中多用之一云麥芽最消腎若氣血虛而乳汁自出者宜十

全大補湯其子多不育

小產

小產重於大產蓋大產如栗熟自脫小產如生棊破其皮殼斷  
自根蒂豈不重於大產但人輕忽致死者多矣治法宜補形氣  
生新血去瘀血若未足月漏而欲產芎歸補中湯倍加知母止  
之若產而血不止人參黃芩湯補之若產而心腹痛當歸川芎  
湯主之胎氣弱而小產者八珍湯固之若出血過多而發熱聖  
愈湯汗不止急用獨參湯熱煩躁肉膈筋惕八珍湯大渴面  
赤脉洪而虛當歸補血湯熱面赤脉沉而微四君薑附東垣  
云薑發熱而夜安靜是陽氣晝夜俱發熱者是重陽無陰也當  
歸是陽氣下陷於陰中也晝夜俱發熱者是重陽無陰也當  
歸補其陰至太僕云如大寒而甚熱之不熱是無火也熱來復

去書見夜伏夜發晝止時節而動是無火也如大熱而其寒之不寒是無水也熱動復止條忽往來時動時止是無水也若陽氣自旺者補中益氣湯陽氣陷於陰者四物二連湯重陽無陰者四物湯無火者八味丸無水者六味丸

治驗

一妊娠五月服剪紅丸而墮腹中脹痛服破血之劑益甚以手按之益痛余曰此峻藥重傷脾胃受患用八珍倍人參黃芪半夏乳香沒藥二劑而痛止數劑而全愈

吳江庠友史萬湖仲子室年二十餘疫疾墮胎時咳服清肺解表喘急不寐請治余以爲脾土虛不能生肺金藥損益甚先與補中益氣加茯苓半夏五味炮薑四劑漸愈往視之又與八珍加五味及十全大補湯全愈

大兒婦張氏素怯弱嘉靖癸卯四月生女自乳中患疥癩年餘不愈遂致羸困甲辰五月遭先母大故以姑病勉強代執喪禮旬月每欲眩仆一日感氣忽患心脾高腫作疼手不可按而嘔吐不止六脈微細之極余以爲脈雖虛而病形則實誤認諸痛不可補氣乃用青皮香附吳茱萸等藥而愈繼復患瘧且墮胎又按理氣行血之藥病去元氣轉脫再投參芪補劑不應矣六脈如絲欲絕思非附子不能救非立翁莫能救迎翁至診云皆理氣之劑損真之誤也連投參芪歸朮附子薑桂六劑間用八味丸五日眠食漸甘六脈全復翁云心脾疼痛時即當服此等藥瘧亦不作矣姑婦皆翁再造敢述奇功附於此門之尾以爲初知藥性者之戒制生陳遜稽顙謹識

保產

醫案

女科最要下卷

五

用者

妊娠欲產之時但覺腹內轉動卽當正身仰臥待兒轉身向下  
時作痛試捏產母手中指中節或本節跳動方與臨盆卽產矣  
若初覺不仰臥以待轉胞或未產而水頻下此胞衣已破血水  
先乾必有逆生難產之患若橫生者兒先露手臂令母正卧以  
手徐推兒臂下體令其正直復以中指摩其肩勿令臍帶攀係  
卽生逆生者兒先露足令母正卧以手按推其足仍推兒轉正  
卽生偏生者兒頭偏在一邊亦照前法徐正其頭卽生或兒頭  
後骨偏在谷道傍徐推近上卽生礙產者兒頭雖正但不能下  
蓋因胎轉臍帶攀肩所致用中指按兒兩肩理脫臍帶卽生坐  
產者兒將欲生其母疲倦久坐椅褥抵其生路急用巾帶高懸  
令母以手攀之輕輕屈足良久兒順卽生盤腸生者臨產母腸  
先出此難於收上以草蘇子四十九粒研爛塗產母頭頂待腸

收上急洗去設或爲風吹乾不能收者以磨刀水少許溫熱  
潤其腸再用磁石煎湯服之卽收上磁石須陰陽家用有驗者  
俗以水喫母面皆驚而腸亦收之蓋驚則氣散恐反致他症戒  
之若胎衣破而不得分娩者用保生無憂散以固其血自然生  
息如血已耗損用八珍湯料一斤益母草半斤水數碗煎熟不  
時飲之亦有得生者凡孕婦口腹痛未產也若連要痛甚者將  
產也蓋腎候於腰胞係於腎故也華佗治橫逆產難用蛇脫二  
條燂殺二十八箇胎髮二丸各燒灰每服一錢酒調連進二服  
卽臥片時兒卽順生如無此藥令產母仰面正卧以小針刺兒  
手脚心三五次用鹽塗之手脚卽縮上待兒身轉順卽生。若  
以蜀葵子四十九粒白滑石三錢煎流水煎服卽順生或用好  
京墨磨服之墨水裹兒卽下。或敗筆頭一箇煨過以藕節

自然汁温酒和下。或紫蘇葉當歸各三錢長流水煎服即下。  
○凡孕家宜預請穩婆有仁心識見者當施恩惠以結其心先  
與說知倘有生息不順只說未產或遇雙胎只說胎衣未下恐  
驚則氣散愈難生息余家親驗之大抵難產多患於鬱悶安佚  
富貴之家治法雖云胎前清氣產後補血不可專執若脾胃不  
實氣血不克宜預調補不使臨產必有患難。如因難產或大  
寒時急以大油紙撚徐徐燒斷其臍帶雖兒已死令煖氣入腹  
多得復生切不用刀斷之。

治驗

荆婦孟冬分娩艱難產子已死元氣勞傷用油紙撚燒斷臍帶  
取其陽氣以補之俄聞兒啼作聲即鵲兒也若以刀物如常斷  
之其母亦難保生此兒嗣後一二歲間並無傷食作瀉之症可  
見前法之功其穩婆之喜平日常施少惠得其用心能安慰母  
懷故無虞耳。此穩婆云止有一女分娩時適當巡街侍御行  
牌取我視其室分娩女為此驚嚇未產而死後見侍御更以威  
顏分付追視產母胎雖順而頭偏在一邊若以手入推正可保  
順生因畏其威不敢施手但回稟云此是天生天化非人力所  
能立俟其母子俱死。

子死腹中

夫子死腹中者多因驚動太早或觸犯禁或抱腰太重或頻探  
試水胞衣先破血水先盡而胎乾涸故耳其候產母唇舌皆黑  
者子母俱死若舌黑或脹悶甚者然其子已死矣先以平胃散  
一兩酒水各半煎却投枳朮半兩即熱皮硝服或用硝一兩以  
童便調下亦妙。

治驗

一穩瀆之女勤苦負重妊娠腹中陰冷重墜口中甚穢余意其胎必死令視其舌果青黑與朴硝半兩許服之隨下穢水而安一婦人胎死服朴硝而下穢水肢體倦怠氣息淹淹用四君為主佐以四物薑桂調補而愈

胎衣不出

有因惡露入衣脹而不能出有因元氣虧損而不能送出其惡露流衣中者腹中脹痛用奪命丹或失笑散以消瘀血緩則不救其元氣不能送者腹中不脹痛用保生無憂散以補固元氣或用葶麻子肉一兩細研成膏塗母右脚心衣下即洗去緩則腸亦出如腸不上仍用此膏塗腦頂則腸自入益母丸亦効寶慶方胎衣未下若欲斷臍帶先以少物繫墜然後斷之否則胞

上掩心而死

治驗

家人婦胞衣不出胸腹脹痛手不敢近此瘀血為患用熱酒下失笑散一劑惡露胎衣即並下

一產婦胎衣不出腹不脹痛手按之痛稍緩此是氣虛而不能送出用無憂散而下前症余詢諸穩婆云宜服益母草丸或就以產婦頭髮入口作嘔胎衣自出其不出者必死授與前法其交骨不開陰門不閉子宮不收

三者皆元氣不足觀諸治驗可見其交骨不開者用芎歸湯加髮灰龜板補而閉之陰門不閉者用十全大補加五味子補而斂之子宮不收者補中益氣加醋炒芍藥半夏補而舉之或助以外治之法



治驗

地官李孟卿娶三十五歲稚女為繼室妊娠慮其難產與加味芎歸湯四劑備用果產門不開服之頓然分娩

西賓費懷德之室下血甚多產門不開兩日未生服前藥一劑即時而產已後育胎並無此症懷德傳與服者無有不効

一婦人分娩最易至四十妊娠下血甚多產門不開亦與前湯一劑又用無憂散斤許一劑煎熟時時飲之以助其血而產

一產婦陰門不閉發熱惡寒用十全大補加五味子數劑而寒熱悉退又用補中益氣加五味子數劑而飲若初產腫脹或厥

痛而不閉者當用加味逍遙散若腫既消而不閉者當用補中益氣湯切忌寒涼之劑

一婦人脾胃素弱兼有肝火產後陰門腫痛寒熱作渴嘔吐不

食救大黃等藥服驅利之劑腫及於臀虛症蜂起此真氣虛而

作先用六君子以固脾胃乃以補中益氣湯升舉不數劑而消

一產婦失治腫潰不已形體消瘦飲食少思朝寒暮熱自汗盜汗半年矣用補中益氣加茯苓半夏以健脾胃膿水漸少飲食

漸進用歸脾湯以解脾鬱共五十餘劑元氣復而瘡亦愈矣

一產婦陰門不閉小便淋瀝腹內一物攻動脇下或脹或痛用加味逍遙散加車前子而愈

一婦人子宮腫大二日方入損落一片殊類猪肝已而面黃體倦飲食無味內熱瞞熱自汗盜汗用十全大補湯二十餘劑諸症悉愈仍復生育血滯成癰方見後

產後小腹痛俗名兒枕塊用失笑散行散之若惡露既去而

仍痛用四神散調補之若不應用八瓊湯若痛而惡心或欲作嘔用六君子湯若痛而泄瀉用六君子湯送四神丸若泄瀉痛而或後重用補中益氣湯送四神丸若胸膈飽脹或惡食吞酸或腹痛不可按此是飲食所致當用二陳加山查白朮以消導若食既消而仍痛或按之不痛或更加頭痛煩熱作渴惡寒欲嘔等症此是中氣被傷宜補脾胃為主若發熱腹痛按之痛甚不惡食不吞酸此是瘀血停滯用失笑散以消之若止是發熱頭痛或兼腹痛按之却不痛此是血虛用四物加炮薑參朮以補之病機要云胎產之病從厥陰經論之無犯胃氣及上二焦為之三禁不可汗不可下不可利小便發汗者同傷寒下早之症利大便則脈數而已動於脾利小便則內亡津液胃中枯燥製藥之法能不犯三禁則榮衛自和而寒熱止矣如發渴用

白虎氣弱用黃芪血刺痛則用當歸腹中痛則加芍藥宜詳察脈症而用之丹溪先生云產後當大補氣血為先雖有雜症從末治之一切病多是血虛皆不可發表

### 治驗

一產婦腹痛發熱氣口脈大余以為飲食停滯不信乃破血補虛反寒熱頭痛嘔吐涎沫又用降火化痰理氣四肢逆冷泄瀉下墜始信謂余曰何也余曰此脾胃虛之變症也法當溫補遂用六君加炮薑二錢肉桂木香一錢四劑諸症悉退再用補中益氣之劑元氣悉復

一婦人產後腹痛後重去痢無度形體倦怠飲食不甘懷抱久鬱患虛昏寐而盜汗如雨竟夜不敢寐神思消燼余曰氣血虛而有熱用當歸六黃湯內黃芩連柏炒黑一劑汗頓止再劑全

止乃用歸脾湯入玃散兼服元氣漸服而愈

一產婦小腹作痛服行氣破血之藥不效其脉洪數此瘀血內  
潰為膿也以瓜子仁湯二劑痛止更以太乙膏下膿而愈產後  
多有此病縱非癰患用之更効

一產婦小腹痛疼小便不利用薏以仁湯二劑痛止更以四物

加桃仁紅花下瘀血而愈大抵此症皆因榮衛不調或瘀血停

滯所致若脉洪數已有洪脉但數微有膿脉遲緊乃瘀血下之

即愈若腹脹大轉側作水聲或膿從臍出或從大便出宜用蠟

礬丸太乙膏及托裡藥

一產婦小腹作痛有塊脉芤而澀以四物加玄胡索紅花桃仁

牛膝木香治之而愈

一婦人產後小腹患痛服瓜子仁湯下瘀血而痊凡瘀血停滯

宜急治之較則腐化為膿最難治療若流注關節則患骨痛疾

治多為敗症

一婦人因經水多加潛藥止之致腹作痛以失笑散二服而愈

產後血暈并失血

產後元氣虧損惡露乘虛上攻眼花頭暈或心下滿悶神昏口

噤或痰壅盛者急用失笑散主之若血下多而暈或神昏煩亂

若大劑芎歸湯補之或芩芩子散或童子小便有痰加二陳湯

若因勞心力而致者宜補中益氣加香附若因氣血虛極不省

人事用清魂散繼以芎歸湯及大補氣血之劑凡產可預燒

錐令赤以器盛之急至床前以醋沃之或以醋塗口鼻聞之即

醒或用破舊漆器或乾漆燒烟薰之或用半夏末冷水和丸入

鼻孔中並無前患丹溪先生云血暈因氣血俱虛痰火泛上宜

蘇氏醫按 散料最要下卷 本

以二陳導痰或加減硃砂安神丸以麥門冬湯下亦可大凡產後口眼喎斜等症當大補氣血為主而兼以治痰若脾胃虛弱不能固者用六君子湯至五七箇月宜服安胎飲至八九箇月再加大腹皮黃楊腦如臨產時更宜服保生無憂散庶無前患

治驗

一產婦月餘矣因怒兩脇脹痛忽吐血甚多發熱惡寒胸腹脹滿用八珍加柴胡丹皮炮薑而安却用十全大補仍加炮薑而愈前症因脾肺氣血虧損而胸腹虛痞雖投大補若非薑桂辛溫助其脾肺以行藥勢亦無以施其功而反助其脹耳家人婦產後小腹作痛忽牙關緊急灌以失笑散良久而甦又用四物加炮薑白朮陳皮而愈

一產婦筋攣骨軟肌肉掣動此氣血俱虛用十全大補湯而愈

一產婦兩手麻木服愈風丹天麻丸遍身皆麻神思倦怠補熱作渴自汗盜汗此氣血俱虛也用十全大補加炮薑數劑諸症悉退却去炮薑又數劑而愈但內熱此血虛也用逍遙散而痊

產後發瘧

瘧當作瘧

產後發瘧因去血過多元氣虧極或外邪相搏其形牙關緊急四肢勁強或腰背反張肢體抽搐若有汗而不惡寒者曰柔瘧若無汗而惡寒者曰剛瘧然產後患之實由亡血過多筋無所養而致故傷寒汗下過多潰瘍膿血大泄多患之乃敗症也若大補血氣多保無虞若攻風邪死無疑矣

治驗

一產婦牙關緊急腰背反張四肢抽搐兩目連劄余以為去血過多元氣虧損陰火熾盛用十全大補加炮薑一劑而甦又數

劑而安

余在吳江史萬湖第將入更時聞喧攘云某家人婦忽什牙關  
緊急已死矣詢云是新產婦出直厨余意其勞傷血氣而發症  
也急用十全大補加附子煎滾令人推正其身一人以手夾正  
其面却空開其口將藥灌之不嘔藥已冷冷側其面出之仍正  
其面復灌以熱藥又冷又嚙如此五次方嚙下隨灌以熟藥遂

產後便血

產後便血或飲食起居或六淫七情以致元氣虧損陽絡外傷  
治法若因膏梁積熱用加味清胃散若因醇酒濕毒葛花解醒  
湯若因怒動肝火六君加柴芍芍歸若因鬱結傷脾加味歸脾  
湯若因思慮傷心炒香散若因大腸風熱因物加側柏荆防枳  
殼槐花若因大腸血熱因物加苧連若因腸胃虛弱六君加升

麻柴胡若因腸胃虛寒六君加肉蔻木香若因元氣下陷補中  
益氣加茯苓半夏若因氣虛用六君升麻若因血虛用四物氣  
血俱虛用八珍俱加柴胡升麻大凡病久或元氣虛弱見病日  
端皆因脾胃虧損內真氣而外假熱但用六君子或補中益氣  
加炮薑溫補脾氣諸症悉退若四肢畏冷屬陽氣虛寒急加附  
子病因多端當臨症制宜庶無誤矣

治驗

一產婦產後下血諸藥不應飲食少思肢體倦怠此中氣虛弱  
用補中益氣加茶炒黃連五分四劑頓止但怔忡少寐盜汗未  
止用歸脾湯治之而痊

一婦人但怒便血寒熱口苦或胸脇脹痛或小腹疼痛此木乘  
土用六君加山梔柴胡而愈用補中益氣加味逍遙一藥復作

薛氏醫按

女科醫案卷

七

星老

一婦人久下血在晝前屬脾胃虛寒元氣下陷用補中益氣加連炒吳茱一錢數劑稍緩乃加杜吳茱五分數劑而愈

一婦人產後便血口乾飲湯胸膈膨滿小腹悶墜內熱補熱飲食不甘體倦面黃且補則赤洒浙惡寒此脾肺氣虛先用六君加炮薑木香諸症漸愈用補中益氣將愈用歸脾湯全愈後飲食失節勞役兼怒氣發熱血崩夜間執甚謔語不絕此熱入血室用加味小柴胡二劑而熱退用補中益氣而血止用逍遙散歸脾湯調理而康

### 產後大便不通

產後大便不通因去血過多太陽乾涸或血虛火燥乾涸不可計其日期飲食數多用藥通之潤之必待腹滿覺脹且欲去而不能者乃結在直腸宜用猪膽汁潤之若服苦參藥潤通反傷中焦元氣或愈加難通或通而瀉不能止必成敗症若屬血虛火燥用加味逍遙散氣血俱虛八珍湯慎不可用麻子杏仁枳殼之類

### 治驗

一產婦大便不通七日矣飲食如常腹中如故余曰飲食所入雖倍常數腹不滿脹用八珍加桃杏二仁至二十一日腹滿欲去用猪膽汁潤之先去乾糞五七塊後皆常糞而安

一產婦大便八日不通用通利之藥中脘作痛飲食甚少或云通則不痛痛則不通乃用蜜導之大便不禁吃逆不食余曰此脾胃復傷用六君加吳茱茱肉果骨脂五味數劑喜其年壯不然多致不起

### 產後寒熱

李氏醫案

女科最要下卷

七

月五

產後寒熱因氣血虛弱或脾胃虧損乃不足之症經云陰虛則發熱陽虛則惡寒若兼大便不通尤屬氣血虛弱切不可用發表降火若寸口脈微名陽氣不足陰氣上入於陽中則惡寒用補中益氣湯尺部脈弱名陰氣不足陽氣下陷於陰中則發熱用六味地黃丸大抵陰不足陽往從之則陽內陷而發熱陽不足陰往從之則陰上人而惡寒此陰陽不歸其分以致寒熱交爭故惡寒而發熱也當用八珍湯若病後四肢發熱或形氣倦怠此元氣未復濕熱乘之故耳宜補中益氣湯若肌熱大渴引飲目赤面紅此血虛發熱用當歸補血湯若認為寒則誤矣

治驗

一產婦惡寒發熱用十全大補加炮薑治之而愈但飲食不甘肢體倦怠用補中益氣而安又飲食後犯怒惡寒發熱抽搐咬牙難候其脈視其面色青中隱黃欲按其腹以手護之此肝木侮脾土飲食停滯而作用六君加木香一劑而安

一產婦惡寒發熱余欲用八珍加炮薑治之其家知醫以為風寒用小柴胡湯余曰寒熱不時乃氣血虛不信仍服一劑汗出不止謔語不絕煩熱作渴肢體抽搐余用十全大補二劑益甚脈洪大重按如無仍以前湯加附子四劑稍緩數劑而安

產後咳嗽

產後咳嗽或因陰血耗損或因肺氣虧傷或陰火上炎或風寒所感主治之法若陰血虛者用芎歸熟地參朮肺氣傷者用四君芎歸桔梗陰火上炎者六味地黃加參朮風寒所感者補中益氣加桔梗紫蘇若瘀血入肺發喘急用二味參蘇飲多有得生者若兼口鼻起黑或鼻出血急用前散亦有得生者然而所

慮者因胃氣不足蓋胃為五臟之根本人身之根蒂胃氣一虛五臟失所百病生焉但患者多謂腠理不密所致殊不知肺屬辛金生於巳土亦因土虛不能生金而腠理不密外邪所感只陰火上炎亦壯土金生腎水以制火為善若逕治其病則誤矣

治驗

一產婦咳嗽聲重鼻塞流涕此風寒所感用參蘇飲一鐘即愈六七乃與補中益氣加桔梗茯苓半夏一劑而痊又與六君子加黃芪以實其腠理而安

一產婦朝吐痰夜發熱兼之無寐泥用清痰降火肌體白瘦飲食日少前症愈甚余曰早間吐痰脾氣虛也夜間發熱肝血虛也晝夜無寐脾血耗也遂用六君子湯加味道遙散加味歸脾湯以次調補不月而痊

一產婦咳嗽痰盛面赤口乾內熱晡熱徹作無時此陰火上炎當補脾腎遂用補中益氣湯六味地黃丸而愈

一產婦咳而腹滿不食涕唾面腫氣逆此病在胃關於肺用異功散而愈

時疫墮胎咳嗽見小產

產後瘧疾

產後瘧疾因脾胃虛弱飲食停滯或因外邪所感或鬱怒傷脾或暑邪所伏審係飲食用六君加桔梗蒼朮藿香如外邪多而飲食少用藿香正氣散如外邪少而飲食多人參養胃湯飲食勞役用補中益氣湯氣血虛弱用十全大補加炮薑虛寒用六君加姜桂元氣脫陷急加附子大凡久瘧多屬元氣虛寒蓋氣虛則寒血虛則熱胃虛則惡寒陰火下流則寒熱交作或吐



瀉不食腹痛煩渴發熱譫語或手足逆冷寒戰如慄雖見百症當峻補其病自退若誤用清脾截瘧之類多致不起

治驗

一產婦患瘧發熱作渴胸膈脹滿遍身作痛三日不食嘔酸暖氣此是飲食所傷脾胃不能消化用六君加神麴山查四劑而不作酸乃去神麴山查又數劑而飲食進其大便不通至三十日計進飲食七十餘碗復始悶令用猪膽汁導而通之其糞且不甚燥

一產婦患瘧久不愈百病蜂起其脉或洪大或微細或弦緊或沉伏難以名狀用六君加炮薑二十餘劑脉症稍得又用參朮煎膏佐以歸脾湯百餘劑而瘧

一產婦朝寒暮熱或不時寒熱久不愈用六君子補中益氣兼

服百餘劑而尋愈

產後瘧疾心脾痛見小產

產後瀉痢二症治同兼嘔吐

產後瀉痢或因飲食傷損脾土或脾土虛不能消食當審而治之若米食所傷用六君加穀蘖若麵食所傷用六君加麥蘖若肉食所傷用六君加山查神麴凡兼嘔吐皆加藿香若兼噤酸或嘔吐用前藥送越鞠丸若肝木來侮脾土用六君加柴胡炮薑若寒水反來侮土用錢氏益黃散若久瀉或元氣下陷兼補中益氣湯以升發陽氣若瀉痢色黃乃脾土真氣宜加木香肉果若屬脾土虛寒當用六君加木香姜桂若脾腎虛寒用補中益氣及四神丸若屬命門火衰而脾土虛寒用八味丸以補土母若小便瀯滯肢體漸腫或兼喘咳用金匱腎氣丸以補脾腎

利水道若胃氣虛弱而四肢浮腫治須補胃為主若久而不愈  
或非飲食所傷而致乃屬腎氣虧損蓋胞胎主於任而繫於腎  
况九月十月乃腎與膀胱所養必用四神六味八味三藥以補  
腎若用分利導水之劑是虛其虛也

治驗

一產婦瀉痢發熱作渴吐痰甚多肌體消瘦飲食少思或胸膈  
痞滿或小腹脹墜年餘矣余以為脾胃瀉朝用二神丸夕用六  
君子湯三月餘而痊

一婦人產後泄瀉兼嘔吐噁酸面目浮腫此脾氣虛寒先用六  
君加炮薑為主佐以越麴丸而噁酸愈又用補中益氣加茯苓  
半夏而脾胃康

一產婦瀉痢年餘形體骨立內熱晡熱自汗盜汗口舌糜爛日  
吐痰三碗許脈洪大重按全無此命門火衰脾土虛寒而假熱  
然痰者乃脾虛不能統攝歸源也用八味丸補火以生土用補

中益氣湯兼補肺金而脾胃健  
一產婦腹痛後重去痢無度形體倦怠飲食不進與死為鄰此  
脾胃俱虛用四神丸十全大補湯而愈但飲食難化肢體倦怠  
用補益湯調理而康

一婦人五月患痢日夜無度小腹墮痛發熱惡寒用六君子湯  
送香蓮丸二服漸愈仍以前湯送四神丸四服全愈至七月終  
息情嗜卧四肢不收體重節痛口舌乾燥飲食無味大便不實  
小便頻數洒淅惡寒悽慘不樂此肺之脾胃虛而陽氣寒不伸  
也用升陽益胃湯而痊

附方并註

加味逍遙散 治血虛有熱遍身搔癢或口燥咽乾發熱盜汗  
食少嘗臥小便澀滯等症

甘草炙 當歸炒 芍藥酒 茯苓 白木炒

柴胡各一錢 牡丹皮 山梔炒各五分

右水煎服

逍遙散即前方去丹皮山梔

歸脾湯 治脾經失血少寐發熱盜汗或思慮傷脾不能攝血

妄行或健忘怔忡驚悸不寐或心脾傷痛怠惰嗜臥飲食不

人參 白木 白茯苓 黃芪炒 當歸 龍眼肉

遠志 酸棗仁炒各一錢 木香五分 甘草分

右薑棗水煎服

六君子湯即異功散加半夏

十全大補湯 治諸臟虧損氣血俱虛惡寒發熱或自汗盜汗

便血吐血或大便不實飲食少思或胸腹作痛口舌生瘡或

耳目不明牙齒不固

人參 白木 白茯苓 黃芪 當歸

川芎 熟地黃酒洗蒸焙 白芍藥炒各一錢

肉桂 甘草炙五分

右薑棗水煎服

八珍湯 治脾胃虧損氣血俱虛乃肉傷之症蓋人之生以脾

胃為王脾胃一虛諸臟失所百病生焉即前方大補湯去黃

芪肉桂

當歸補血湯 治肌熱躁熱自赤面紅煩渴引飲晝夜不息脉

洪大而虛重按全無此脉虛血虛也若候服白虎湯必死

當歸 三錢

黃芪 兩

右水煎服

清胃散

治胃經濕熱牙齒或牙根腫痛或牽引頭腦或面

當歸身 一錢

黃連 一錢

生地黃 一錢

升麻 二錢

牡丹皮 一錢

右水煎服

加味清胃散

治脾胃有熱口内生瘡或齒作痛或齧腐爛即

前方加犀角連翹甘草

小柴胡湯

治肝膽經症寒熱往來或胸熱潮熱不欲飲食或

口苦耳聾咳嗽發熱或脇痛肢滿轉側不便或瀉痢咳嗽嘔

吐酸水

柴胡 二錢

黃芩 一錢

半夏 一錢

人參 一錢

甘草 五分

右薑棗水煎服

加味小柴胡湯

治婦女經行感冒發熱熱入血室寒熱如

晝則安靜夜則發熱妄語或素血虛大 大怒火動熱入血

室亦能致此即前方加生地黃

當歸六黃湯

治氣血虛而發熱盜汗等症

當歸 二錢

黃芪 一錢

生地黃 一錢

熟地黃 一錢

黃連 一錢

黃芩 一錢

黃柏 一錢

右水煎服

黃芩清肺飲

治肺熱而小便不利

黃芩 一錢

山梔 各一錢

右水煎服不利加葶藶二十粒

六味丸

治腎虛發熱作渴唾痰小便淋瀝

頭暈眼花咽燥唇裂齒不堅固腰腿酸軟自汗盜汗便血諸

頭暈眼花

咽燥唇裂齒不堅固腰腿酸軟

自汗盜汗便血諸

血失瘖水泛為痰之聖藥血虛發熱之神劑

熟地黄料新 山茱萸肉 乾山藥各四兩 牡丹皮

白茯苓 澤瀉各三兩

右各另為末和地黄加煉蜜丸桐子大每服七八十九空心食前白滾湯下地黄須自製

八味丸 治命門火衰不能生土以致脾胃虛寒飲食少思或

臍腹疼痛或多漩溺即前方加桂附各一兩

加減八味丸即六味丸加肉桂一兩

加減濟生腎氣丸 治脾胃虛腰重脚腫濕飲留積小便不利

或肚腹腫脹四肢浮腫氣喘痰甚或已成水症其效如神

白茯苓三兩 附子半兩 川牛膝 桂心 澤瀉 車前子

山茱萸 山藥 牡丹皮各一兩 熟地黄四兩 酒拌碎

右為末和地黄膏加煉蜜丸桐子大每服七八十九空心

四物二連湯 治血虛發熱或口舌生瘡或晝安夜熱

當歸 川芎 芍藥 熟地黄 胡黃連 宣黃連各一兩

右作一劑水煎服

白虎湯 治胃熱作渴暑熱尤効

知母一錢五分 石膏四錢 粳米一合

右作一劑水煎服

錢氏益黃散 治脾土虛寒水反來侮土而嘔吐不食或肚腹

作痛或大便不實手足逆冷等症

陳皮一兩 青皮 阿子肉 甘草炙 丁香二錢

右為粗末每服四錢水煎服

二神丸 治脾胃虛弱侵晨五更作瀉或全不思食或食而不

化

化大便不實神效

破故紙四兩

肉豆蔻二兩

右為末用大紅棗四十九枚生薑四兩切碎同棗用水煮熟

去薑取棗肉和藥丸桐子大每服五十九空心鹽湯下

人參理中湯 治脾胃虛寒嘔吐泄瀉飲食少思肚腹膨脹

人參 白朮 乾薑炮 甘草炙各一錢

右薑棗水煎服

附子理中湯 治脾胃虛寒手足俱冷飲食不入或腸鳴切痛

嘔逆吐瀉即前方加附子一錢

四君子湯 治脾胃虛損飲食少思或大便不實肢體消瘦或

胸膈虛痞痰嗽吞酸或脾胃虛弱停食而患瘧痢或瘧痢因

脾胃虛而不能愈

人參 白朮 茯苓各二錢 甘草各一錢

右薑棗水煎服

若因肝木剋脾土而致宜加柴胡芍藥若命門火衰而患之

兼八味丸

異功散即前湯加陳皮治脾胃虛弱飲食少思或久患咳嗽或

腹滿不食面浮氣逆等症

人參橘皮湯 治脾胃虛弱氣滯惡阻嘔吐痰水

甘草炙 厚朴製 白茯苓去皮各五分 人參 陳皮

白朮 麥門去心各一錢

右用淡竹茹一塊薑水煎溫服

若因中脘停痰宜用二陳枳殼若因飲食停滯宜用六君子

加枳殼若因脾胃虛宜用異功散

竹葉湯 治妊娠心驚膽怯煩悶不安名曰子煩

白茯苓 麥門 黃芩 各三兩

右每服四錢竹葉五片水煎服

若因血虛煩熱宜兼用四物若因中氣虛弱宜兼四君

紫蘇飲 治妊娠失調胎氣不安上疔作痛名子懸

大腹皮 川芎 白芍 陳皮 蘇葉

當歸 各一兩 人參 各半兩 甘草 各半兩

右薑葱水煎服

若肝脾氣血虛而有火不安宜兼逍遙散若脾氣虛弱而不

安宜用四君芎歸

膠艾湯 治妊娠頭仆胎動不安腰腹疼痛或胎上搶或胎下墜

膠一兩 艾葉數莖

右二味以水五升煮取二升分三服

阿膠散 或頭仆或因毒藥胎動不安或脇痛腹痛上搶

熟地黄 艾葉 白芍 川芎 黃芪

阿膠 當歸 甘草 各一兩

右每服四錢薑棗水煎

枳殼湯 治胎漏下血或因事下血

枳殼 炒 黃芩 炒 白朮 一兩

右為末每服一錢白湯調下

二黃散 治胎漏下血或內熱肺熱或頭痛頭暈或煩燥

或脇肋脹痛等症

生地黄 熟地黄

右為末每服三錢煎白朮枳殼湯下

前四症若因脾胃虛弱宜用補中益氣湯加五味若因脾胃  
虛陷宜用前湯倍用升麻柴胡若因肺熱內熱宜用逍遙散  
知母丸 治妊娠煩亂胎動不安或欲墮產用知母一味炒為  
末丸梧桐子大每服二十九白湯下或嚼嚙之  
地黃當歸湯治血虛胎痛

當歸 一兩 熟地黃 二兩

右每服五錢水煎

若因脾胃弱而血虛者宜用四君芎歸氣血俱虛者宜  
金生白朮散 治妊娠面目虛浮四肢腫如水氣名曰胎腫  
白朮 一兩 生薑皮 大腹皮 陳皮 白茯苓 各半兩  
右各為末每服二錢米飲下  
若未應佐以四君子湯

天仙藤散 治妊娠自三月之後足指發腫漸至腿膝飲  
甘狀似水氣或脚指間出黃水名曰子氣

天仙藤 洗畧 香附 炒 陳皮 甘草 烏藥 各等

右每服三五錢生薑木瓜各三片紫蘇三葉水煎食前  
若因脾胃虛弱宜兼六君子中氣下陷須用補中益氣湯

安榮散 治妊娠小便澁少遂成淋瀝名曰子淋

麥門冬 去心 通草 滑石 各二錢 當歸 燈心 甘草 各五

人參 細心 各一兩

右為末每服二錢煎麥門湯調下

若因肺經蘊熱宜用黃芩清肺飲若因膏梁厚味宜用清胃  
散若因肝經濕熱宜用加味逍遙散

羚羊角散 治妊娠虛風頸項強直筋脈攣急語言蹇塞痰涎



不利或時發搐或不省人事名曰子癇

羚羊角錢 川獨活 酸棗仁炒 五加皮各五錢 薏苡仁

防風 當歸 川芎 茯神 杏仁各四分

木香 甘草各二分半

右每服五薑水煎

若因肝經風熱或怒火所致須用加味逍遙散

安胎飲 治妊娠五七箇月用數服可保全產

白朮 人參 當歸 川芎 熟地黃 白芍 陳皮

甘草 紫蘇 炙黃芩各一錢

右用薑水煎服

若因中氣虛弱須用四君子加陳皮紫蘇若陰虛內熱宜用

四物黃芩白朮

一陳湯 治妊娠失調脾胃不和嘔吐痰涎或飲食不思

陳皮 茯苓各一錢五分 半夏一錢 甘草五分

右薑水煎服脾胃虛弱用六君子氣滯用紫蘇飲

麥門冬湯 治妊娠失於調養內熱口乾或胎動不安

麥門冬去心 防風 白茯苓各二錢 人參一錢

右作一劑水煎服

若血虛有熱用逍遙散氣虛有熱用四君加黃芩紫蘇

鱈魚湯 治胸滿腹脹小便不通遍身浮腫

白朮 茯苓 當歸 芍藥各三兩

右細判用鱈魚一頭煮取汁每藥四錢入汁一盞半薑七片

橘皮少許煎服

若脾胃虛佐以四君子湯

達生散 治妊娠八九月服數劑甚効

大腹皮用黑豆汁洗晒三錢 人參 甘草炙 紫蘇梗葉 陳皮各五錢

右水煎入黃楊葉七莖葱五葉煎服

春加川芎夏加黃芩冬依正方或有別症以意消息加減

保生無憂散 臨產服之補其血順其氣使易產又治小產

血腹痛

南木香 當歸 川芎 白芍藥 枳殼 乳香

血餘即亂髮煨

右等分每服二三錢水煎日三服

若胞衣既破其血已涸或元氣困憊急用八珍湯斤許水數

椀煎熟時飲救之飲盡再制亦有得生

芎歸補中湯 治氣血虛平產

艾葉代薑 阿膠炒 川芎 五味子炒 黃芪炙 當歸

白朮炒 芍藥炒 人參 杜仲炒各一錢 甘草炙五分

右每服五錢水煎服

若脾氣虛弱須用補中益氣湯若氣虛而有火宜用安胎飲

人參黃芪湯 治小產氣虛血下不止

人參 黃芪 當歸 白朮炒 白芍炒 艾葉各一錢 阿膠炒

右作一劑水煎服

芩薤散 治孕婦九竅出血或作暈欲死

芩薤子 當歸焙各一錢 芍藥 官桂各半錢

右為末每服三錢以酒并童便各半盞調灌下立瘥或一味

童便溫飲尤効

前一症若脾胃氣虛不能統血宜用四君芎歸中氣不陷補

中益氣湯若血脫須補氣為主

當歸川芎湯 治小產後瘀血心腹疼痛或發熱惡寒

當歸 川芎 熟地黃 白芍藥 玄胡索 桃仁

紅花 香附 青皮 澤蘭 牡丹皮

右水煎入童便酒各小半盞服

若以手按腹愈痛此是瘀血為患宜用此藥或失笑散消之

若按之及不痛此是血虛宜用四物參苓白朮若痛而作嘔

此是胃虛宜用六君子若而作渴此是脾虛宜用六君子送

二神丸

四物湯 治產後及諸症血虛發熱或口舌生瘡或齒齦腫潰

或日晡發熱

當歸 熟地黃 芍藥 川芎

右作一劑水煎服

若因氣虛不能生血而患前症宜補脾胃

加味四物湯即前方加白朮茯苓柴胡丹皮

四神散 治產後血虛或瘀血腹痛

當歸 川芎 芍藥 炮薑

右水煎服

當歸散 治產後氣血虛惡露內停增寒發熱且服此去之

當歸 白芍 川芎 黃芩 白朮

右為細末溫童便調下二錢

失笑散 治產後心腹絞痛欲死或血迷心竅不知人事及尋

常腹內瘀血積血作痛

五靈脂 蒲黃

右每服三錢酒煎熱服

若瘀血去多而元氣虛損所致宜用四君芎歸炮薑

解語湯 治風客心脾舌強不言

附子炮 防風 天麻 酸棗仁 各一兩炒

右每服二三錢水煎服

若因脾胃風熱用秦艽升麻湯

抱瞻丸 治心驚不語或癩癩等症

水銀二兩 黑鉛五錢 硃砂細研 乳香各一兩另研

右將鉛入銚下水銀成砂次下硃砂乳香乘熱用木槌研勻

丸鷄頭大每服一九

若因心氣虛用妙香散

二母散 治產後惡露上攻留於肺經咳嗽喘促

知母 貝母 白茯苓 人參 桃仁 杏仁並去殼

右每服五錢薑水煎

若瘀血既去而嗽仍作宜補中氣

二味參蘇飲 治產後瘀血入肺咳嗽喘急

人參一兩 蘇木二兩

右作一劑水煎服

若既愈而當用六君子以補脾胃若口鼻黑氣起急用此藥

加附子五錢亦有得生者

清魂散 治產後元氣虛瘀血逆行作暈

澤蘭葉 人參各一兩 荆芥穗四兩 芍藥二兩 甘草炙八錢

右為末熟湯溫酒各半調下二錢

若因瘀血去多宜四物加參苓白朮不應血脫也急補其氣

硃砂安神丸 治產後血暈心神驚悸等症

硃砂 飛過 五錢 生地黃 一錢 黃連 酒洗 六錢 甘草 炙 五分 當歸 一分

右為末飯糊為丸每服十五丸

若因中氣虛宜用四君芎歸兼思慮傷脾須用歸脾湯

奪命丹 治瘀血入衣胞脹滿難下急服此藥血即消衣自下

附子 炮 兩 牡丹皮 一兩 乾漆 炒 令 烟 盡

右為細末好醋一升大黃末一兩同熬成膏和藥丸如桐子

大溫酒吞五七丸

花藥石散 治胎衣不下其効如神及打撲傷損腹中瘀血脹

痛欲死服之血化為水其効不能盡述

硫黃 四兩 搗 為 末 花藥石 一兩 搗 為 末

右二味相拌和勻先用紙筋和搗泥固濟瓦罐之一

乾入藥再用泥封口候乾安在四方磚上虛書八卦五行字

用炭三十斤周疊煨之罐冷取出為細末每服一錢童便

平胃散 治腸胃寒受濕下血等症

蒼朮 厚朴 陳皮 甘草 炙

右薑棗水煎服

益母草丸 五月採陰乾石器為末煉蜜丸彈子大臨產以童

便和溫酒化下

加味芎歸湯 治分晚交骨不開或五七日不垂死者

生男女婦人髮一握燒 川芎 當歸 各一兩

自死龜殼 一箇 如 何 百 過 者 亦 可 煎 次

右為末每一兩水煎服久不問生死胎自下

芎歸湯 治產後去血過多暈煩不省用川芎當歸二味等分

每劑半兩水煎服

若腹疼加桂腹瀉自汗頭眩少氣加羊肉若不應用八珍湯  
七味白朮散治中氣虛口乾或吐瀉等症

人參 白朮 木香 白茯苓 甘草 藿香 乾葛各二錢

右作一劑水煎服

還奇湯 治風熱上壅眉稜骨痛或頭目眩暈等症

羌活 防風各二錢 甘草二錢 酒苓冬去之

右每服三錢水煎時時飲之

葛花解醒湯 治酒積上下分清其濕

白荳蔻 砂仁 葛花各五錢 木香五分 青皮三錢

陳皮 白茯苓 猪苓 人參各一錢半

白朮 神麴炒 澤瀉 生乾薑各二錢

右為細末每服五錢白湯調下

藿香正氣散 治外感風寒內停飲食頭疼寒熱或霍亂吐瀉

或作瘧疾

桔梗 大腹皮 紫蘊 茯苓 白芷 半夏麴

陳皮 白朮 厚朴製各一錢 甘草各五分 藿香一錢五分

右作一劑薑棗水煎熱服

清燥湯 治元氣虛濕熱乘之遍身痠軟絕寒水生化之源小

便赤少大便不調等症

黃芪一錢五分 五味子九粒 黃連 神麴炒 猪苓 柴胡

甘草各二分 蒼朮 麥門冬 陳皮 白朮

生地黄 澤瀉各五分 白茯苓 人參 當歸

升麻各三分 酒栢一分

右作一劑水煎服

人參養胃湯 治外感風寒內傷 寒熱頭疼或作癰疾

半夏 厚朴製 橘紅八分 藿香葉 草果 茯苓

人參五分 甘草三分 蒼木一錢

右作一劑薑七片烏梅一箇水煎服

大防風湯 治足三陰虛患鶴膝風歷痛風等症不問或腫而

不痛或潰未斂

附子炮去皮 臍一錢 白朮炒 羌活 人參各二錢 川芎一錢

防風二錢 甘草炙 牛膝各一錢 酒浸 黃芪炙二錢

當歸酒拌 二錢 白芍藥炒二錢 杜仲姜製 二錢 熟地生者 自製

右作二劑水煎服

獨活寄生湯 治鶴膝及歷節痛風等症

白茯苓 杜仲 當歸酒洗 防風 白芍藥 人參

細辛 桂心 熟地黄 牛膝 秦艽 苧藥

桑寄生 甘草各二兩 獨活三兩

右每服一兩薑水煎

羌活勝濕湯 治痛風血虛腫痛身重脉緩等症

羌活 獨活去芦 一錢 藁本 防風 川芎 甘草炙

蔓荆子各五分

右作一劑薑水煎服

附子八物湯 治歷節作痛發熱作渴飲食少思等症

附子炮 乾薑炮 芍藥炒 茯苓 人參 甘草炙各一錢

肉桂一錢 白朮二錢

右作一劑水煎服

四生散 治腰腿生瘡或癬疥等症

白附子 黃芪 羌活 沙苑蒺藜

右各等分為末每服二錢用猪腰子批開入藥濕紙包暴煨熟細嚼塩湯下風癱酒下

妙香散 治心脾虧損大便下血又治心氣不足精神恍惚少

人參 桔梗 甘草各五錢 遠志去心 山藥姜汁 茯苓去皮

黃芪各一兩 辰砂三錢 麝香一錢 木香二錢 蘇合一兩

右為末每服二錢温酒調服

漏蘆散 治血風走注作痛無定處

漏蘆 當歸 牛膝各三錢 桂心 地龍去土 防風

羌活 白芷 沒藥研 甜瓜子各半兩 虎脰骨煎

敗龜各一兩 右為細末每服二錢熱酒調下 義烏朱用



求壽局  
以備